

同治徐州府志

同治徐州府志卷第二十一上

宦績傳

社稷之心重則寵利之見泯矣懷保之念摯則戲怠之意消矣雖剛柔殊用弛張異宜及其殫精竭誠陶物振俗未有枹權而鼓不應磁引而鍼不躍者也昔人有言舉中於理則強梁褫氣片言違正則廝臺解情況乎躬寄人牧手握天憲升墜由其憎愛安危捷於影響或乃虓鬪爲情慢易恣欲肆縉雲之饕餮嗤潁川之鳳凰卒致俗偷術窮釁積名喪揆夫專一慈惠之吏何宅心之殊塗乎詩曰豈弟君子民之父母言舉斯心加諸彼而已故狂逞者法隳而毒厚感被者人亡而思存今輯古今吏治政術有聞者並著於篇其非本郡官僚而犯難勤事有裨茲土功勩亦不可沒列其行事區而載之

宦績傳

同治徐州府志卷第二十一上

一

漢

穆生白生申公皆魯人與楚元王交俱受詩於浮邱伯元王旣王楚皆爲中大夫呂后時浮邱伯在長安元王遣子郢客與申公俱卒業文帝聞申公爲詩最精以爲博士元王薨申公隨郢客歸郢客嗣立復以申公爲中大夫傅太子戊戊不好學病申公初元王敬禮申公等穆生不耆酒元王每置酒常爲設醴及王戊卽位常設後忘設焉穆生退曰可以逝矣醴酒不設王之意怠不去楚人將鉗我於市稱疾臥申公白生強起之穆生曰易稱知幾其神乎君子見幾而作不俟終日先王所以禮吾三人者爲道之存故也今而忽之是忘道也忘道之人胡可與久

處遂謝病去申公白生獨留王戊稍淫暴與吳通謀二人諫不聽退居教授終身不出

漢書楚元王傳申公傳

張尚楚王戊相戊應吳王反尚諫不聽見殺景帝錄其子爲山

陽侯

楚元王傳

趙夷吾楚王戊太傅亦以諫戊見殺景帝錄其子爲商陵侯

楚

元王傳

唐長賔東平人楚太傅事王式王扶琅邪人爲泗水中尉師事

山陽張長安傳王式之學

漢書王式傳

蕭咸字仲東海蘭陵人爲丞相史舉茂才好時令遷淮陽泗水

內史張掖弘農河東太守所居有迹數增秩賜金

漢書蕭望之傳

何武字君公蜀郡郫縣人成帝時由京兆尹左遷楚內史沛郡

官績傳

同治徐州府志卷第二十一上

二

太守武爲人仁厚好進士獎稱人之善在楚厚兩龔在沛厚兩

唐及爲公卿薦之朝廷此人顯於世者何侯力也世以此多焉

其所居亦無赫赫名去後常見思

漢書本傳

牟融字子優北海安邳人以司徒茂才爲豐令視事三年縣無

獄訟爲州郡最司徒范遷上其理狀永平五年入爲司隸校尉

後漢書本傳

江革字次翁齊國臨淄人鄉里稱之曰江巨孝永平初補楚太

僕月餘自劾去楚王英馳遣官屬追之不還復使中傅贈送辭

不受

後漢書本傳

袁安字邵公汝南汝陽人永平十三年楚王英謀爲逆事下郡

覆考明年三府舉安能理劇拜楚郡太守是時英辭所連及繫

者數千人顯宗怒甚吏案之急迫痛自誣死者甚衆安到郡不入府先往案獄理其無明驗者條上出之府丞掾史皆叩頭爭以爲阿附反虜法與同罪不可安曰如有不合太守自當坐之不以相及也遂分別具奏帝感悟卽報許得出者四百餘家

後漢

書本傳

楊統字仲通廣漢新都人善圖讖學及天文推步之術建初中爲彭城令歲大旱統推陰陽消伏縣界蒙澤太守宗湛使統爲郡求雨亦卽降澍自是朝廷災異多以訪之統在縣休徵時序風雨得節嘉禾生於寺舍人庶稱神

後漢書楊厚傳并注

張禹字伯達襄國人元和三年爲下邳相徐縣北有蒲陽坂傍多良田而堙廢莫修禹爲開水門通引灌溉遂成熟田數百頃

宦績傳

同治徐州府志卷第二十一上

三

勸率吏民假與種糧親自勉勞遂大收穀實鄰郡貧者歸之千餘戶後歲至墾田千餘頃民用溫給功曹史戴潤故太尉掾也權動郡內有小遣禹令自致獄然後正其法自長史以下莫不

震肅

後漢書本傳

韓棱字伯師舞陽人章帝時爲下邳令多異政邑獨不霽徵拜尚書邳人廟祀之

南畿志今按後漢書本傳不言爲下邳令南畿志蓋本元焦景秋祠堂記

謝夷吾字堯卿山陰人善風角占候章帝時以鉅鹿太守左轉下邳令所在愛育人物有善蹟豫剋死日如期果卒

後漢書本傳

蘇章字孺文扶風平陵人安帝時出爲武原令時歲饑輒開倉廩活三千餘戶

後漢書本傳

張皓字叔明犍爲武陽人永元八年出爲彭城相薦隱士閭邱

邈等永甯初徵拜廷尉

後漢書本傳

費汎字仲慮

後漢紀作仲虞

吳興烏程人舉孝廉除郎中屯騎司馬遷

蕭令視民如子先教後罰在任九年風化大行奸慝不作時沛

有蝗獨不入境朝廷嘉之遷梁相

後漢紀費府君碑梁相諱汎字仲慮邦之人也其先季

文爲魯大夫有功封費曰妣爲姓秦項兵起避墜亏此遂留家焉古業稼穡好學禮樂大漢之闕宮司相繼絕而復續至梁府君叻孝友至行聞於鄉邑仕更郡右憲邦眞直在公履法察孝廉除郎中屯騎司馬遷蕭令眠民如子先教後罰流玄默之化奉叻忠信守叻敦篤在位九年百姓移風苛慝平住姦寇平發變爭路銷推讓道生三年不斷獄禎祥感應時沛有蝗獨不入界由此顯名國叻狀聞朝廷嘉諸拜梁相宣慈闕平帥自正當登台階延究眉壽被病遜位春秋八十卒二子纂闕鳳由宰府至堂邑令政九江太守適孫均感奚斯之義刊銘玄石旌勒厥美俾闕覽焉其辭曰蘇蘇顯祖厥德懿鑠播勛於前卒碩基業遺愛於民福流後脞庶闕昌闕在堂闕室功烈休矣末昆勅力

魏朗字少英會稽上虞人桓帝時爲彭城令時中官子弟爲國

宦績傳

同治徐州府志卷第二十一上

四

相多行不法朗與更相章奏幸臣忿嫉欲中之會九眞賊起衆

共薦朗爲九眞都尉

後漢書黨錮傳

史弼字公謙陳畱考城人議郎何休訟弼有幹國之器宜登台

相徵拜議郎侯覽等惡之光和中出爲彭城相會病卒

後漢書本傳

陳登字元龍陶謙牧徐州表登爲典農校尉是時世荒民饑登

乃巡土田之宜盡鑿溉之利杭稻豐積

三國志張邈傳注

步游張漢時汝南人少孤四歲母拾麥爲人所賣游張後爲取

慮令春月按行高年至里有病嫗馬不前自下問訊乃其母也

誠願宿馮而冥感昭徵矣

水經注并太平寰宇記

梁習字子虞陳郡柘人太祖爲司空辟召爲漳長累轉乘氏海

西下邳令所在有治

三國志本傳

溫恢字曼基太原祁人舉孝廉爲廩丘長鄆陵廣川令彭城魯相所在見稱

三國志本傳

孫堅富春人熹平中爲鹽漬丞轉盱眙丞又徙下邳丞歷佐三縣所在有稱吏民親附

三國志本傳

關 河東解人建安四年先主殺徐州刺史車胄使守下邳行

太守事

三國志本傳

徐庶字元直潁川人建安時爲楚相有碑在彭城

三國志諸葛亮傳注水經

注

三國魏

武周沛國人爲下邳令刺史臧霸敬異周身詣令舍從事認詞不法周得其罪便收考竟霸益以善周

三國志臧霸傳

官績傳

同治徐州府志卷第二十一上

五

呂虔字子恪任城人爲魏太祖從事將家兵守湖陸文帝時遷

徐州刺史請王祥爲別駕民事一以委之世多其能任賢

三國志本傳

王祥字休徵琅邪臨沂人呂虔檄爲別駕委以州事時寇盜充斥祥率厲兵士頻討破之州界清靜政化大行時人歌之曰海

沂之康實賴王祥邦國不空別駕之功累封睢陵侯食邑一千

六百戶

晉書本傳

胡質字文德壽春人爲徐州刺史諸葛誕舉兵淮南簡銳卒爲游軍以備外寇正始中爲征東將軍都督青徐諸軍事廣農積穀有兼年之儲置東征臺且佃且守又通渠諸郡利舟楫嚴設備以待敵海邊無事

三國志本傳晉書石苞傳

胡威字伯虎質之子也少有志行厲操清白咸熙中爲徐州刺

史有殊績

三國志胡質傳并注引晉陽秋

晉

王渾字元冲晉陽人泰始初遷徐州刺史時歲饑渾開倉賑贍

百姓賴之

晉書本傳

司馬佃宣王子封琅邪王泰始中出為鎮東大將軍假節都督

徐州諸軍事代衛瓘鎮下邳佃鎮御有方得將士死力吳人憚

之

晉書本傳

胡奮字元威安定臨涇人泰始中為徐州刺史所在有聲績

晉書

本傳

嵇紹字延祖譙國銍人太康中拜徐州刺史時石崇為都督性

雖驕暴而紹將之以道崇甚親敬之

晉書本傳

官績傳

同治徐州府志卷第二十一上

六

祖逖字士稚

一作雅

范陽道人京師大亂避地淮泗以所乘車

馬載同行老疾躬自徒步藥物衣糧與眾共之又多權略眾推

為行主達泗口元帝逆用為徐州刺史尋徵軍諮祭酒遷奮武

將軍豫州刺史渡江中流擊楫而言曰祖逖不能清中原而復

濟者有如大江卒能開拓司豫副此志也功未就而卒

晉書本傳

劉遐字正長廣平易陽人建武初為下邳內史初沛人周撫與

同郡周默因天下亂各為塢主以寇抄為事默降祖逖撫怒遂

襲殺默以彭城叛石勒遣騎援之詔遐領彭城內史與徐州刺

史蔡豹等討撫於寒山撫敗走詔徙為臨淮太守後為兗州刺

史太甯初自彭城移屯泗口後為徐州刺史

晉書本傳

蔡豹字士宣陳畱圍城人元帝時為徐州刺史豹在徐土內撫

將士外懷諸衆甚得遠近情後討徐龕以軍敗誅人聞其死多悼惜之

晉書本傳

荀羨字令則潁川臨潁人永和中除徐州刺史假節監徐兗二州揚州之晉陵諸軍事羨將經畧中原自京口移鎮淮陰屯田於東陽之石鼈尋加監青州諸軍事又領兗州刺史鎮下邳時石季龍死羨撫納降附甚得衆心

晉書荀崧傳

南北朝宋

王仲德名懿以字行太原祁人晉太元末徙居彭城後從宋武帝平長安爲太尉諮議參軍武帝受命累遷徐州刺史加都督尋免官元嘉九年又爲鎮北將軍徐州刺史仲德三臨徐州威德著於彭城

宋書本傳

官績傳

同治徐州府志卷第二十一上

七

申恬字公休魏郡魏人高祖踐祚拜東官殿中將軍轉員外散騎侍郎出爲綏遠將軍下邳太守轉在北海加甯遠將軍所至皆有政績

宋書本傳

垣閔下邳太守二十七年北魏抄掠清河郡從東安東莞出下邳閔閉城拒守保全二千餘家

宋書申恬傳

魏恭子元嘉初遣大使巡行四方兼散騎常侍孔默之王韻之等上言彭城內史魏恭子廉恪修慎在公忘私安約守儉久而彌固請加褒賚以勸於後乃賜恭子絹五十匹穀五百斛

宋書良吏傳

吉翰字休文馮翊池陽人爲將佐十餘年清謹剛正歷官著美績甚得方伯之體元嘉八年爲徐州刺史監徐兗二州豫州之梁郡 事時有死罪囚典籤意欲活之因翰入關齋呈其事

翰語且去明旦呼之來取昨所呈事視訖謂之曰卿意當欲宥此囚死命但此囚罪重不可貸既欲加恩卿便當代任其罪因命左右收典籤付獄殺之原此囚生命其下畏服莫敢

宋書

本傳

張暢字少微吳郡吳人孝武鎮彭城暢爲安北府長史沛郡太守元嘉二十七年魏太武南征太尉江夏王義恭統諸軍出鎮彭城魏衆近城數十里彭城衆力雖多軍食不足義恭欲棄彭城南歸計議彌曰不定時沈慶之欲趨歷城何勗欲奔鬱洲暢曰今城內乏食人無固心但以關扃嚴密不獲走耳若一搖動則潰然奔散欲至所在其可得乎今食雖寡朝夕未至窘罄豈有舍萬安之術而就危亡之道若此計必用下官請以頸血汚

宦績傳

同治徐州府志卷第二十一上

八

君馬迹孝武聞暢議謂義恭曰長史言不可違也義恭乃止魏主旣至登城南亞夫塚於戲馬臺立橧屋暢於城上與魏尙書李孝伯語暢隨宜應答音韻詳雅魏人美之

宋書本傳

顏竣字士遜琅邪臨沂人延之之子受職於武陵王爲安北鎮軍府主簿盡心補益魏太武還自步過彭城復求互市竣議以爲不可武陵從之

宋書本傳

王孝孫京兆灊陵人王脩之子

宋書廬陵王義真傳

爲武陵王鎮軍錄事

參軍元嘉二十八年魏太武過彭城遣人語城內須麥熟更來江夏王慮敵復至議芟翦麥苗移民堡聚孝孫曰敵不復來旣自可保如其果至此議亦不可立百姓閉在內城饑饉日久方春之月野采自資一入堡聚餓死立至民知必死何可制耶敵

若必來芟麥無晚四座默然莫之敢對長史張暢等勸從孝孫

言議遂寢

宋書張暢傳

蕭思話南蘭陵人元嘉二十七年魏攻懸瓠思話時爲護軍將軍領精甲三千助鎮彭城魏軍退卽代孝武爲徐兗二州刺史監四州軍事尋免官元凶弒立以爲徐兗二州刺史思話卽率部曲還彭城起義以應孝武孝武卽位徵爲丹陽尹思話歷十二州所至愛才好士人多歸之

宋書本傳

王元謨字彥德太原人武帝臨徐州辟爲從事史後爲劉義賓司馬帶彭城太守義賓薨元謨上表以彭城要兼水陸請以皇子撫臨州政乃以孝武出鎮大明五年爲徐州刺史加都督時北土饑饉乃散私穀十萬斛牛千頭以賑之

宋書本傳

官績傳

同治徐州府志卷第二十一上

九

沈曇慶吳興武康人大明元年爲徐州刺史時殿中員外將軍裴景仁助戍彭城景仁本北人多悉戎荒事曇慶使撰秦記十卷敘苻氏僭僞本末其書傳於世曇慶謹實清正所泣有稱績世以長者稱之

宋書本傳

蘭陵儼爲平北長史薛安都叛儼密欲圖之見殺追贈光祿勳

宋書薛安都傳案魏書劉芳傳有蘭陵繆儼靈奇其弟子承先隨薛安都至京師云云疑蘭陵儼卽繆儼恐係宋書脫字之誤

梁

江革字休映濟陽考城人幼而聰敏有才思弱冠舉南徐州秀才爲梁鎮北豫章王長史被敕隨鎮彭城城旣失守爲魏人所執元延明聞革才名厚加接待革稱患脚不拜將害之見革辭色嚴正更相敬重乃命革作文八寺碑並祭彭祖文革辭以囚

執既久無復心思將加箠扑革厲色曰江革年六十不能殺身
報主今日得死為幸誓不為人執筆延明知不可屈乃止後革

還梁武帝大晏舉酒勸革曰今日始見蘇武之節

南史本傳

後魏

尉元字苟仁代人天安元年薛安都以徐州內附請援獻文以
元為都督諸軍事與孔伯恭赴之元入彭城以宋將張永仍據
險要乃命安都等固守身率精銳分擊呂梁大破之遣使諭東
徐州刺史張讜等相與歸命元表曰彭城倉廩虛罄人有饑色
求運冀相濟兗四州粟取張永所棄船九百艘沿清運致可以
濟救斯民詔從之又表分兵置戍進定青冀又書與宋徐州刺
史王元載示其禍福宿豫淮陽皆棄城而遁於是遣高閭與張

官績傳

同治徐州府志卷第二十一上

十

讜對為東徐州刺史李燦與畢眾敬對為東兗州刺史拜元都
督諸軍事鎮東大將軍開府徐州刺史時徐州妖人司馬休符

扇惑百姓元遣將討平之

魏書本傳尉元徐州上皇帝表臣受

功退無羊祜保境之暑雖淮岱獲振而民情未安臣以愚昧屬
當偏任苟事宜宣徹敢不以聞臣前表以下邳水陸所轄先規
殄滅遣兵屢討猶未克定然彭城下邳信命未斷而此城之人
元居賊界心尚戀土輒相誑惑幸非望南來息耗壅塞不達
雖至窮迫仍不肯降彭城宿豫臣即從淮南到鎮稱宋將任農
夫陳顯達領兵三千來循宿豫臣即從淮南到鎮稱宋將任農
實如元朗所言臣欲自出擊之運糧未接又恐新民生變遣
子都將于沓千劉龍駒等步騎五千將往赴擊但征人滄久逃
亡者多迭相扇動莫有固志器仗敗無一可用臣聞伐國事
重古人所難功雖可立必須經畧而舉若賊向彭城必由泗
過宿豫歷下邳趨青州路亦由下邳入沂水經東安則青冀
師之要今若先定下邳平宿鎮淮陽東安則青冀諸鎮可用
不攻而克若四處不服青冀雖拔百姓顧懷倖之心愚
以為宜釋青冀之師先定東南之地斷宋人北顧之意絕愚
南望之心夏水雖盛無津途可因冬路雖通兵尚神速久則生
則淮北自舉暫勞逸今雖向熱猶可行師兵尚神速久則生

變若大雨既降或因水通運糧益衆規爲進取恐近淮民庶翻
然改圖青冀二州卒未可拔臣輒與僚佐具議咸以爲然若隱
而不陳懼有損敗之責陳而無驗恐
成誣罔之罪惟天鑒懸量照臣愚款

孔伯恭魏郡鄴人天安元年以鎮東將軍副尉元救彭城皇興
元年以書喻下邳宿豫城內率衆渡水破宋將陳顯達又與沈
攸之合戰大破之遂攻拔宿豫淮揚二年以伯恭爲彭城鎮將
都督徐南兗州諸軍事

魏書本傳

韓念祖淮陽郡上黨令始臨之初舊民南叛全無一人念祖撫
綏招集愛民如子南來民費係先等前後歸附戶至二百有餘
南濟陰郡睢陵縣人趙憐等辭稱念祖善於撫綏清身潔已請
乞念祖爲睢陵令尉元表上詔從之

魏書尉元傳

李長仁字景安勃海菑人累遷平南將軍沛郡太守仍爲彭城

官績傳

同治徐州府志卷第二十一上

十一

太守又從尉元討定南境還除北海內史凡在三郡吏民安之

魏書李

叔虎傳

元雲太武孫封任城王延興四年爲征東大將軍開府徐州刺
史以太妃蓋氏薨表求解任獻文不許雲悲號動疾乃許之性
善撫綏得徐方之心爲百姓所追戀送遺錢貨一無所受獻文
嘉之

魏書本傳

崔鑒字神具博陵安平人延興時出爲奮威將軍東徐州刺史
鑒欲安悅新附有年老者表求假以守令詔從之又於州內治
銅以爲農具兵民獲利

魏書本傳

元嘉太武孫代任城王爲徐州刺史假梁郡公甚有威惠

魏書
廣陽

王建

閻傳

薛虎子代人太和四年徐州民桓和等叛詔虎子爲征南都副將與尉元討平之以本將軍爲彭城鎮將在鎮雅得民和除開府徐州刺史時州鎮戍兵資絹自隨不入公庫任其私用常苦饑寒虎子上表陳白孝文納之在州戍兵每歲交代虎子必自勞送喪者給殮帛州內遭水二麥不收上表請貸民粟民有車牛者詣東兗給之並如所奏民得安堵孝文從容問祕書丞李彪曰卿頻使江南徐州刺史政績何如彪曰綏邊布化甚得其和帝曰朕亦知之沛郡太守邵安下邳太守張攀咸以贓污虎

子案之於法在州十一載卒

魏書本傳薛虎子徐州陳政事表臣聞金湯之固非粟不守韓白之

勇非糧不戰故自用兵以來莫不先積聚然後圖兼併者也今江左未肅鯨鯢待戮自非委粟彭城以彊豐沛將何以拓定江關掃一衡霍竊惟在鎮之兵不減數萬資糧之絹人二十匹即自隨身用度無準未及代下不免饑寒論之於公無毫釐之潤

官績傳

同治徐州府志卷第二十一上

十一

語其私利則橫費不足非所謂納民軌度公私相益也徐州左右水陸沃壤清汴流通流足盈灌其中良田十萬餘頃若以兵絹一歲之中且戍卒計其牛數足得萬頭興力公田必當大獲稻一歲之中且戍卒計其牛數足得萬頭興力公田必當大獲資惟一內庫五稔之十後穀帛俱溢匪直充數之食於後國識謝古人之任當昔杜預田竭塵露有增山國耕西零以疆漢臣雖道洽羣生之恩齊造化仁德所覃迹超前哲遠崇古典畱意治方革前王之弊法申當今之宜定貢賦之輕重均品秩之厚薄庶令百辟足以及代耕編戶其用餘畜魏乎煥焉不可量也臣竊計其徵調之民蒙化曰淺戎馬之緜去資計素微小戶者一丁而已質妻賣子呻吟道途不可忍聞今淮南之人思慕聖化延頸企足十室而九恐聞賦重更懷進退非惟損皇風之盛慮傷慕義之心且臣所居與南連接民情去就實所諳知特宜寬省以招未至其小郡太守數戶而已一請止六尺絹歲不滿匹既委邊捍取其必死邀之土重何吝君輕今班制已行布之天下不宜忤冒以亂朝章但猥藉恩私備位藩岳憂責之地敢不盡言

元澄字道鎮任城王雲子襲封孝文時爲徐州刺史甚有聲績

魏書任城

王雲傳

李元茂趙郡人太和間除鎮威將軍彭城鎮副將民吏安之賞

帛百匹穀二百斛

魏書李靈傳

元衍字安樂陽平王新成之子封廣陵侯太和中爲徐州刺史
衍性清慎居官廉潔歷牧四州皆有稱績始衍至州病重帝敕
徐成伯乘傳療之疾差成伯還帝曰卿定名醫賚絹三千匹成
伯辭請受一千帝曰詩云人之云亡邦國殄瘁以是而言豈惟

三千匹乎其爲帝所重如此

魏書陽平
王新成傳

盧淵字伯源范陽涿人太和中京兆王愉鎮徐州以淵爲長史
愉時年少事無鉅細多決於淵淵以誠信御物甚得東南民和
南徐州刺史沈陵密謀外叛淵知之潛敕諸戍微爲之備屢有

官績傳

同治徐州府志卷第二十一上

十三

表聞朝廷不納陵果殺將佐勒宿豫之衆逃叛淮濱諸戍由備
得全陵之餘黨頗見執送淵皆撫而赦之惟歸罪於陵衆心乃

安

魏書盧
元傳

元鑿字紹達襲父爵爲武昌王景明初爲徐州刺史屬徐兗大
水民多饑饉鑿表加賑恤民賴以濟先是京兆王愉爲徐州王
旣年少長史盧淵寬以御下郡縣多不奉法鑿奏免梁郡太守
程靈虬徵還京師於是徐境肅然

魏書本傳

盧景字叔達前長史淵之弟宣武時爲徐州刺史寬和矜恕善
於撫綏其在徐州戍兵疾親自檢恤至番兵年滿不歸願充後
役終景一政然後始還人庶稱之

魏書本傳

李彥字次回散煌人宣武時爲徐州刺史延昌二年夏大霖雨

川瀆皆溢彥相水陸形勢隨便疏通得無淹漬之害朝廷嘉之
頻詔勞勉

魏書李寶傳

封回渤海裔人延昌中由太尉長史行徐州事回立朝以正直
見憚牧州郡政績尤著

魏書封懿傳

蕭寶夤字智亮齊明帝子國亡奔魏神龜中爲徐州刺史起學
館於清東朔望引見士姓子弟接以恩顏與論經義勤於政治
吏民愛之

魏書本傳

高諒

一作謨

字修賢渤海人正光中爲驍騎將軍徐州行臺屬元

法僧反逼諒同之諒不從爲法僧所害朝廷痛惜之詔以諒臨
危受命誠節可重贈使持節平北將軍幽州刺史諡忠侯

魏書高祐傳

元顯和濟陰王鬱從子爲徐州安東府長史元法僧叛顯和與

官績傳

同治徐州府志卷第二十一上

十四

戰被擒法僧執手命坐顯和曰顯和與阿翁同源別派皆是磐
石之宗一朝以地外叛若遇董狐能無慙德遂不肯坐法僧猶
欲慰諭顯和曰乃可死作惡個不能生爲叛臣及將殺之神色

自若

魏書濟陰王
小新成傳

元延明襲父猛爵爲安豐王元法僧反梁遣豫章王蕭綜入守
彭城詔以延明爲東道行臺督諸軍討法僧延明先牧徐方甚
得民譽招懷舊土遠近歸之綜旣降延明因以衆乘之復東南
之境至宿豫而還遷都督徐州刺史徐州頻經師旅人物凋敝
延明招携新故人悉安業百姓咸附

魏書安豐
王猛傳

常景字永昌河內温人清儉自守澹於榮利安豐王延明征彭
城蕭綜降附遣景持節馳與行臺都督觀機部分尋授景徐州

刺史會杜洛周反於上谷仍以景爲北道行臺討之

魏書本傳

崔孝芬字恭梓博陵安平人孝昌三年梁將成景雋率衆逼彭城除孝芬甯朔將軍爲徐州行臺景雋築柵造堰謀斷泗水以灌彭城孝芬率大都督李叔仁等迎戰景雋退走除孝芬安南

將軍兼尙書爲徐兗二州行臺

魏書崔挺傳

辛紹先隴西狄道人也明敏有識量自中書博士轉神部令皇興中薛安都以彭城歸魏時朝廷欲綏安初附以紹先爲下邳太守爲政不苟激察舉其大綱而已惟教民治產禦賊之備及宋將陳顯達蕭道成蕭順之來攻道成謂順之曰辛紹先未易侵也於是不厯郡境徑屯呂梁卒於郡贈并州刺史晉陽侯

魏書

本傳

官績傳

同治徐州府志卷第二十一上

十五

羊深字文淵泰山平陽人孝昌末徐方多事以深爲東道慰勞使卽爲二徐行臺初爾朱榮殺害朝士深弟侃據泰山降梁深在彭城忽得侃書招與同逆深慨然流涕斬侃使人并書表聞莊帝下詔褒其忠烈

魏書本傳

潘永基字紹業廣宗人永安二年遷鎮東將軍東徐州刺史時蕭衍將曹世宗馬洪武等率衆來寇永基出討破之永熙中復除東徐州刺史前後在州爲吏民所樂

魏書本傳

楊昱字元晷恒農華陰人孝昌末爲徐州刺史尋除鎮東將軍東南道都督羊侃叛梁遣將軍王辯侵徐州蕃郡人續靈珍擁衆攻逼蕃城昱遣別將擊斬靈珍王辯退走侃兄深時爲徐州行臺府州咸欲禁深昱曰昔叔向不以鮒也見廢春秋貴之奈

何以侃罪深也宜聽朝旨不許羣議

魏書楊播傳

房謨字敬放洛陽人興和中由兗州刺史轉徐州刺史始謨在兗州彭城慕其政化及爲刺史合境欣悅謨爲政如在瑕邱先是當州兵皆寮佐驅使饑寒死病動至千數謨至皆加檢勒不令煩擾以休假番代洗沐督察主司親自檢視又使傭賃令作衣服終歲還家無不溫飽全濟甚多時梁魏和好使人入其界者咸稱歎之神武與諸州刺史書敘謨等清能以爲勸勵魏朝以河南數州鄉俗絹濫退絹一疋徵錢三百人庶苦之謨乃表請錢絹兩受任人所樂朝廷從之

北史本傳

慕容紹宗代人武定二年梁人劉烏黑寇徐方令紹宗率兵討擊大破之因除徐州刺史執烏黑殺之五年侯景反命紹宗爲

官績傳

同治徐州府志卷第二十一上

十六

東南道行臺節度三徐二兗州軍事與大都督高岳等擒梁貞陽侯淵明於寒山迴軍討侯景於渦陽大破之

北齊書本傳

辛術字懷哲東魏武定六年除東南道行臺尚書與高岳等破侯景擒蕭淵明遷東徐州刺史爲淮南經略侯景徵江西租稅術率諸軍渡淮斷之燒其稻數百萬石還鎮下邳人隨術北渡淮者三千餘家

北齊書本傳北史辛雄傳

北齊

趙彥深名隱以字行平原人天保中爲東南道行臺徐州刺史政尚恩信爲吏民所懷多所降下所營軍處士庶追思號趙行臺頓文宣璽書慰勞

北齊書本傳

蘇瓊字珍之長樂武強人皇建中爲徐州行臺左丞行徐州事

城中五級寺忽被盜銅像一百軀有司徵檢四鄰防宿及蹤跡所疑逮繫數十人瓊一時放遣寺僧怨訴不爲推賊瓊遣僧謝曰但且還寺得像自送爾後十日抄賊姓名及贓處所徑收掩悉獲實驗賊徒欵引道俗歎服舊制以淮北禁不聽商販輒度淮南歲儉啟聽淮北取糴後淮北人饑復請通糴淮南遂得商估往還彼此兼濟水陸之利通於河北

北史循吏傳

徐遠字彥遐石門人天保間累遷東徐州刺史河清二年除使持節都督東楚州諸軍事東楚州刺史爲政寬和有恩惠邑郭大火城民亡產遠躬自赴救對之流涕仍爲經營皆得安立

北齊

書本傳

北周

官績傳

同治徐州府志卷第二十一上

十七

王軌太原祁人武帝時陳將吳明徹入寇呂梁徐州總管梁士彥頻與戰不利退保徐州城明徹遂堰清水以灌之列艦城下以圖攻取詔以軌爲行營總管率諸軍赴救軌潛於清水入淮口多樹大木以鐵鎖貫車輪橫截水流以斷其船路方欲密決其堰以斃之明徹知之乃破堰遽退比至清口水勢已衰船艦並礙於車輪不復得過軌因率兵蹙之明徹及將士並就俘獲仍拜徐州總管軌性嚴重多謀略兼有呂梁之捷威震敵境陳人甚憚之初軌數言太子失德帝深然之而不能用及宣帝卽位軌自知禍及謂所親曰此州控帶淮南鄰接疆寇欲爲身計易同反掌但忠義之節不可虧違吾止於此待死義不爲他計冀千載之後知我此心大象元年宣帝令內史杜慶信就徐州

殺軌

周書本傳

源雄字世畧西平樂都人周武帝時檢校徐州總管及尉遲迥起兵時雄家累在相州迥潛以書誘之雄卒不顧迥遣將據蘭陵陷昌慮下邑雄遣徐州刺史劉仁恩儀同劉宏分擊平之又定東潼州之亂進位上大將軍拜徐州總管

隋書本傳

隋

爾朱敞字乾羅秀容契胡人開皇二年為徐州總管在職數年號為明肅民吏懼之以年老乞骸骨歸於河內

隋書本傳

盧昌衡字子均魏長史淵孫由尚書祠部郎出為徐州總管長史甚有能名吏部尚書蘇威考之曰德為人表行為士則聞者以為美談

隋書盧思道傳

官績傳

同治徐州府志卷第二十一上

十八

房兆

本姓屋引氏

代人為徐州總管剛毅有武略名顯當時

北史劉方傳

劉高彭城人大業時為蕭令政有恩惠時長吏多贓污高節愈勵風教大洽獄無繫囚為吏民所稱

隋書循吏魏德深傳

唐

李元軌高祖子封霍王歷徐州刺史閉門讀書以吏事委長史司馬謙慎未嘗與物忤數引見處士劉元平為布衣交或問王所長於元平答曰無長問者不解元平曰人有短所以見長若王無所不備吾何以稱之

新唐書本傳

宋思禮字過庭事繼母徐以孝聞調露二年補蕭縣主簿會大旱井池涸母羸疾非泉水不適口思禮憂懼且禱忽有泉出諸庭味甘寒日不乏汲縣人異之尉柳晃刻石頌其孝感

新唐書本傳

晃亦耿介之士也

是駱廩王靈泉頌聞夫元功幽贊靈心以有經

地義色養叶於因心夏清冬溫愛敬宏於錫類下逮六幽之皇

上洞三光之精不有至誠孰云斯感有廣平宋思禮字過庭皇

朝永州刺史昉之恩長適孫戶部員外順之長幼丁能賢早喪慈

親永懷鞠養之恩長適孫戶部員外順之長幼丁能賢早喪慈

詩禮之風亢宗最曾閔之微行後親調露二年聞北而能賢早喪慈

堂而咎己東遊反哺之微行後親調露二年聞北而能賢早喪慈

微班之列將申遠近川原殆將堙絕瀆非濫漿不谷通波盡化

汙池太夫人在遲暮之年有溫勞之疾非濫漿不谷通波盡化

而自生因疏導其源遂流注而不竭味甘若醴氣冷如冰此泉

由導靈泉而非精誠貫於昔漢臣忠烈窮并飛於一能洽寔以

潛波移於七里靜惟陳跡彼亦何猶埃塵片善可嘉朝聞甘於

夕死一諾猶重黃漆情異則軒冕以為執友素沒而無稱所貴者

謂也賞音徒懷美志未遇良材某出贊荒隅塗經勝壤三秋感

恨長懷宋玉之悲一面交歡暫雪桓譚之涕睹斯水之清感

若人之積誠見賢思齊仰圭璋而有地揮毫興頌瓊珉以無

慚乃作頌曰粵若稽古厥初生民其誰不孝獨我難倫義不悖

道仁不遺親愛敬盡力孝弟通神顧我罔極因心感異冥契動

天甘泉涌地泠泠無竭烝烝不匱曾是我私永錫爾類爰有哲

人為實廩倘斯文之感墜知盛德之有鄰主

王燾郿人永甯公珪之孫為徐州司馬性至孝母疾彌年不廢

帶數從高醫游遂窮其術著外臺秘要討繹精明世寶焉後守

鄴治聞於時 唐書王珪傳

陸餘慶蘇州吳人武后時舉制策甲科補蕭縣尉遷武陽尉餘

慶以道自將雖仕不赫赫訖無悔尤 唐書陸元方傳

姚元之陝州峽石人景雲中為徐州刺史政條簡肅人為紀德

於碑 唐書本傳

李少康元宗時以高第擢拜徐州刺史先是歲比大歉人流者

官績傳

同治徐州府志卷第二十一上

十九

什五六少康條奏逋逃之名削去其版節用務本薄征緩刑歲復大穰歸者益衆優詔嘉獎賜帛二百匹

獨孤及李公神道碑

韋恒鄭州武陽人逍遙公嗣立之子開元初爲碭山令政寬惠吏民愛之天子東巡州縣供張皆鞭扑趣辦恒不立威而事給

唐書韋思謙傳

李孟犇字公悅泗州刺史清明簡肅治行第一病疴癘卒於開

元十九年

李軫李君神道碑

蘇誥字廷言雍州武功人宰相瓌子自給事中出爲徐州刺史

治有聲迹

唐書蘇瓌傳

白季庚下邳人建中初爲彭城令時李正已據河南十餘州叛正已宗人洧爲徐州刺史季庚說洧以彭門歸國因授朝散大

官績傳

同治徐州府志卷第二十一上

二十

夫徐州別駕並徐泗觀察判官

舊唐書白居易傳

張誠

一作誠

字老萊吳郡人遷宋州碭山縣令時睢陽當大兵後

野無草里無人撫之一年襁負至二年汙萊闢三年衣食足及解印去縣民相率泣而餞之君子以爲知政

白居易張公神道碑

張建封字本立鄧州南陽人貞元四年爲徐泗濠節度使初李洧以徐降洧卒高承宗獨孤華代之地迫於寇常困蹙不支至是李泌請以建封代之益與濠泗二州由是徐復爲雄鎮久之加檢校尚書右僕射十三年入朝帝眷遇異等敷奏悉嘉可將還鎮帝賦詩以餞又以所持鞭賜之曰卿節誼歲寒弗渝故用此爲况十六年以病求代尋卒建封治徐凡十年躬於所事一軍大治善容人過至健黠亦未嘗曲法假之其言忠義感激故

下皆畏悅士無賢不肖游其門者禮必均故其往如歸許孟容韓愈皆奏署幕府子愔嗣爲節度治徐七年其政稱治

唐書本傳

許孟容字公範長安人辟武甯張建封從事李納以兵拒境建封遣使諭止前後三輩往皆不聽乃使孟容見納敷引逆順納

卽悔謝爲罷兵表爲濠州刺史

唐書本傳

韓愈字退之鄧州南陽人張建封辟府推官操行堅正鯁言無

所忌

唐書本傳

李藩字叔翰趙州人張建封辟爲節度巡官未嘗察苛細建封卒濠州刺史杜兼疾驅至陰有覬望藩泣謂曰公今喪君宜謹守土何棄而來宜速還否則以法劾君兼錯愕去恨之因誣奏建封死藩撼其軍有非望德宗怒密詔徐泗節度使杜佑殺之

宦績傳

同治徐州府志卷第二十一上

二十一

佑雅器藩得詔十日不發召見藩曰世所謂死生報應驗乎藩曰殆然曰審若此君宜遇事無恐因出詔示藩藩色不變曰信乎杜兼之報也佑曰慎毋畏吾以闔門保君矣帝未之信亟追藩旣入望其狀貌曰是豈作亂人耶釋之拜秘書郎後相憲宗

唐書本傳

溫造字簡輿并州祁人客游下邳張建封妻以兄女李希烈反德宗以范陽劉濟方輸忠款未能盡達朝廷倚賴之意密詔建封選縱橫士往諭之建封署造節度參謀奉使幽州傳達上詔濟感泣願效死節造還建封以聞詔造馳驛入朝以寵異之子璋咸通末爲徐泗節度使徐州牙卒曰銀刀軍頗驕橫璋至誅其惡者五百餘人自是軍中畏法

唐書本傳舊唐書

田牟平州人會昌時武甯軍節度使康季榮不卹軍士部下噪而逐之投於嶺外上以牟曾任徐州有政聲特開延英殿召對再命往建鎮一方於是安帖

獨異志舊唐書田宏正傳

王紹字德素京兆萬年人元和初自東都畱守爲武甯軍節度使自張愔後兵驕難治紹蒐輯軍政推誠示人裨將安進達唐重靖謀亂紹以計取之出家資賞士舉軍安賴

唐書本傳

李愿洮州臨潭人西平王晟之子元和中爲武甯軍節度使會伐青鄆數有功後以疾去

唐書李晟傳

李愬字元直愿弟元和十三年代愿爲節度使理兵有方略與賊戰金鄉凡十一遇擒賊隊將五十俘馘萬計淄青平進同中書門下平章事

唐書李晟傳

官績傳

同治徐州府志卷第二十一上

二十二

高瑀冀州蓨人太和六年爲武甯軍節度使瑀寬和居官無赫然譽所至稱治士人懷之

唐書本傳

崔珙博陵人文宗時徐州以王智興後軍驕數犯法節度使高瑀未能制天子思材望威烈者檢革其弊見珙意氣慷慨先嘗爲泗州刺史得士心卽謂宰相曰欲武甯節度使者無易珙才遂以珙代瑀居二歲徐人戢畏

唐書本傳

薛元賞文宗時自京兆尹出爲武甯節度使罷泗口猥稅人以爲便俄徙邠甯

唐書本傳

盧宏止字子強蒲州人宣宗時出爲武甯節度使徐自王智興後吏卒驕沓銀刀軍尤不法宏止戮其尤無狀者終宏止治不敢譁優詔褒勞

唐書盧簡辭傳

王式揚州人咸通三年徐州銀刀軍亂以式檢校工部尚書徙
武甯節度使詔許滑兵自隨視事三日悉以計誅亂兵會詔降

武甯爲團練罷歸

唐書王播傳

崔彥曾齊州全節人咸通初由太僕卿爲徐州觀察使龐勛反
彥曾料丁男乘城或勸率衆奔兗州彥曾曰我方帥也奉命守
此惟有死爾斬議者一人號於衆俄而勛傳城彥曾悉誅賊家
屬勛超墉入囚彥曾大彭館尋遇害贈刑部尚書

唐書崔融傳

溫廷皓并州祁人署崔彥曾幕府龐勛反以刀脅廷皓使爲表
求節度使廷皓給曰表聞天子當爲公信宿思之乃歸與妻子
訣明日勛索表倨答曰我豈以筆硯事汝耶速殺我勛熟視笑
曰儒生有膽耶吾勒衆百萬無一人草檄乎囚之更使周重草

官績傳

同治徐州府志卷第二十一上

二十三

表及彥曾遇害廷皓亦死詔贈兵部郎中時焦璐李悅崔蘊柳
泰盧崇嗣韋廷範同爲幕府寮官並遇害詔贈官有差

唐書溫大雅傳

又崔融傳

五代唐

劇可久字尙賢范陽人同光初爲徐州司法參軍以幹職聞

宋史

本傳

李周字通理邢州內邱人長興中自靜難節度使徙鎮武甯所

至多善政

五代史本傳

晉

侯益汾州平遙人天福四年晉祖追念虎牢之功遷武甯軍節
度同平章事遣中使謂益曰朕思卿前年七月九日大立戰功

故復以此月此日徙卿鎮彭門領相印仍賜門戟改鄉里爲將相鄉勛賢里九月徐州大火益出金帛賑之

宋史本傳

漢

鞏庭美徐州都押牙楊溫徐州團練使初贊將入嗣漢畱二人守徐州聞贊不得立乃閉城拒命周太祖拜王彥超徐州節度使下詔諭庭美溫許以刺史并詔贊赦其罪皆不從及彥超克

徐州並死之

五代史湘陰公贊傳

周

王晏徐州滕人顯德初爲武甯軍節度使境內安靜吏民詣闕舉畱請立衣錦碑世宗初復請立德政碑世宗命比部郎中張正撰文賜之

宋史本傳

官績傳

同治徐州府志卷第二十一上

一二十四

宋

高繼冲字贊平故荆南節度使奉表納土授徐州大都督府長史武甯軍節度使徐宿觀察使繼冲鎮彭門幾十年委政僚佐

部內亦治

宋史荆南高氏世家

侯贊太原人開寶中以右武衛將軍知徐州有善政

宋史本傳

楊覃字申錫太平興國八年舉進士授徐州觀察推官覃勤於

吏治所至以幹濟稱

宋史本傳

曹彬字國華眞定靈壽人雍熙四年爲武甯軍節度使彬仁敬和厚知徐州日有吏犯罪旣具案逾年然後杖之人莫知其故彬曰吾聞此人新取婦若杖之其舅姑必以婦爲不利而朝夕笞詈之使不能自存吾故緩其事然法亦未嘗屈焉

宋史本傳

查道字湛然歙州休甯人端拱初曹彬鎮徐州辟爲從事深被禮遇道性淳厚所在務寬恕

宋史本傳

梁鼎字凝正華陽人至道中知徐州居官峻厲名稱甚茂

宋史本傳

戚綸字仲言應天楚邳人大中祥符中知徐州綸善談名理雖

至清顯不改其純儉既歿家無餘貲

宋史本傳

陳興澶州衛南人景德三年以本州團練使知徐州興起行伍

有武畧所至頗著聲績

宋史本傳

張亢字公壽家於臨濮歷官至徐州總管馭軍嚴明所至有風

迹民圖像祀之亢兄奎以龍圖閣直學士知徐州治身有法度

風力精強所至有治跡吏不敢欺兄弟皆知名一時

宋史本傳

王臻字及之汝陰人景德中以大理評事通判徐州性剛嚴善

官績傳

同治徐州府志卷第二十一上

二十五

決事所至有風迹

宋史本傳

吳元宸字君華太原人尚太宗女蔡國公主大中祥符初以檢

校太傅知徐州四年卒於官元宸性謹讓在藩鎮有憂民心待

賔佐以禮真宗於帝堦中獨稱其賢

宋史吳廷祚傳

王德用字元輔趙州人仁宗時武甯軍節度使徐州大都督府

長史德用善射知軍中情僞善以恩撫下故多得士心名聞四

夷婦孺皆呼黑王相公

宋史王超附傳

孔道輔字原魯宣聖四十五代孫天聖中知徐州明道二年由

右諫議大夫再知徐州道輔性鯁挺特達天下莫不以直道許

之仁宗思其忠特贈尚書工部侍郎

宋史本傳

梁適字仲賢東平人知淮陽軍奏減京東豫買紬百三十萬又

論景祐赦書不當錄朱梁後仁宗記其名

宋史本傳

程珣字伯溫河南人慶厯初知沛縣會久雨平地大水穀既不登晚種不入珣謂俟可種而耕則時已過矣募富民捐菽數千石以貸農使布之水中水未盡涸而甲已露矣是年遂不艱食有句於市者自稱僧伽之弟愚民爭遺金錢珣杖而出之境

宋子

文集

趙及字希之偃師人仁宗時以侍御史知徐州後又以右諫議

大夫知徐州及和厚謙退內行尤篤所治有聲民吏愛之

宋史本傳

徐起字豫之濮州鄆城人仁宗時知徐州就為轉運使募富室得米十七萬斛賑餓殍又移粟以贍河北京西者凡三百萬

宋史

本傳

官績傳

同治徐州府志卷第二十一上

二十六

王洙字原叔應天宋城人皇祐初知徐州時京東饑朝廷議塞商胡河賦榷薪輸半而罷塞洙命更其餘為穀粟誘願輸者以舖流民因募其壯者為兵得千餘人盜賊衰息有司上其最為

京東第一

宋史本傳

孫沔字元規會稽人京東多盜乃以知徐州明購賞嚴誅罰盜

遂止

宋史本傳

呂溱字濟叔揚州人嘉祐中以侍讀學士知徐州性開敏善折

獄尋徙知成德軍

宋史本傳

關景仁字彥長會稽人

一作錢唐

治平二年知豐縣政尚清簡與民

休息嘗改作鳧鷖亭賦詩記之仁愛之意藹然見於辭祀名宦

豐縣志

志

韓贄字獻臣齊州長山人熙甯中知徐州贄性行淑均自奉至約政簡而治以吏部侍郎致仕

宋史本傳

傅堯俞字欽之濟源人熙甯時知徐州以論新法忤執政請提舉崇福宮尋坐事削官徐前守侵用公錢堯俞至為償之未足而去後守移文堯俞使償久之考實非堯俞所用卒不辯司馬光嘗謂邵雍曰清直勇之德人所難兼吾於欽之見焉雍曰欽之清而不耀直而不激勇而能溫是為難爾

宋史本傳

趙槩字叔平虞城人熙甯初拜觀文殿學士知徐州槩秉心和平與人無怨怒雖在事如不言然陰以利物者不少

宋史本傳

蘇軾字子瞻眉山人熙甯末知徐州時河決滙於城下漲不得洩城將敗富民爭出避水軾曰富民出民皆動搖吾誰與守吾

官績傳

同治徐州府志卷第二十一上

二十七

在是水決不能敗城驅使復入詣武衛營呼卒長曰河將害城事急矣雖禁軍且為我盡力卒長曰太守猶不避塗潦吾儕小人當效命率其徒持畚插以出築東南長堤首起戲馬臺屬於城雨日夜不止城不沈者三版軾廬於城上過家不入使官吏分堵以守卒全其城復請調來歲夫增築故城為木岸以虞水

之再至朝廷從之

宋史本傳節錄蘇軾上神宗皇帝書臣以庸材備員州府出守兩郡皆東方要地私竊以為

守法令治文書赴期會不足以報塞萬一輒伏思念東方之要務陛下之所宜知者得其一二章具以聞而陛下擇焉臣前任密州所建言自古河北與中原離合常係社稷存亡而京東之地所以灌輸河北則與中原離合常係社稷存亡而京東賊為害最甚因為陛下畫所以待盜賊之策及移守徐州覽山川之形勢察其風俗之所移而考之於籍然後又知徐州為南北之襟要而京東諸郡安危所寄也昔項羽入關既燒咸陽而東歸則彭城夫以羽之雄舍咸陽而取彭城則彭城獨其西平川數百里西走梁宋使楚人開關而延敵材官驍發

錢百餘千別儲之當部送者量遠近裁取以三月刻納不取其
息將吏有敢貸息錢者痛以法治之然後嚴軍政禁酒博比期
年士卒皆飽暖練其熟藝等第爲之則軍政而下遣使按閱
所具見也臣願下其法諸郡推此行之則文稍變而二千石長安
去盜之一端也臣聞之漢相王嘉曰孝文時二千石以下轉
官樂職上下相望莫有苟且之意其後稍易公卿以下轉
相促急司隸部刺史發揚陰私失意則有離畔之心前山陽益
輕賤吏民慢易之知其危小節重難危乃能使下以王
徒蘇合縱橫吏士臨難肯有二千石尊義難危乃能使下以王
也國家有急取辦於二千石二千石尊義難危乃能使下以王
嘉之言而考之於今郡守之威權可謂素奪矣上有監司伺其
過失下有吏考之於今郡守之威權可謂素奪矣上有監司伺其
捕盜賊法外求一錢以使人且不可得盜賊充人命已下矣欲督
者何臣輒配流之則使所在法司復按盜賊充人命已下矣欲督
此何以得吏士死力而破奸人之黨乎由此觀之盜賊所以滋
熾者以陛下守東多盜之輕故也臣願陛下稍重其權責以大綱
署其小過凡京東多盜之輕故也臣願陛下稍重其權責以大綱
擇守臣聽法外處置強盜頗賜緡錢使以爲郡設耳目蓄養一
牙然緡錢多則難常少又不足於臣以爲每郡可歲別給一
坐贓論賞格之外歲得酒
數百斛亦足以使人矣

官績傳

同治徐州府志卷第二十一上

孫覺字莘老高郵人元豐中知徐州徐多盜捕得殺人者五其
一僅勝衣疑而訊之曰我耕於野與甲遇彊以挺與我半夜挾
我東使候諸門不知其他也問吏法何如曰死覺止誅其首後

遂爲例

宋史本傳

李昭玘字成季濟南人少與晁補之齊名爲蘇軾所知登進士
第徐州教授守孫覺深禮之每從容講學及古人行已處世之
要相得歡甚用李清臣薦爲秘書省正字

宋史本傳

楊時字中立將樂人元豐末爲徐州司法叅軍

名臣言行錄

陳師錫字伯儵建陽人元豐末官監察御史爲用事者所忌出
知宿遷縣元祐初蘇軾三上章薦其學術淵源行已潔素議論
剛正器識靖深德行追蹤於古人文章冠絕於當世乃入爲秘

書省校書郎

宋史本傳

馬默字處厚單州城武人哲宗時知徐州屬城利國監苦吳居

厚之虐默皆革之後以寶文閣待制復知徐州

宋史本傳

馬建中單縣人令豐民安其政有和鳧鷺亭詩傳於時又有韓

侯淄川人令豐博雅好古士民欽之皆祀名宦

豐縣志

彭汝礪字器資鄆陽人元祐中爲中書舍人汝礪言動取舍必

合於義以論蔡確事落職知徐州

宋史本傳

杜純字聖錫鄆城人以蔭入仕范純仁韓維王存孫永交薦之

司馬光稱其議論詳盡元祐間以右司郎中知徐州

宋史本傳

曾肇字子開南豐人元祐七年自吏部侍郎出知徐州更十一

州類多善政

宋史曾肇傳

官績傳

同治徐州府志卷第二十一上

三十

張愔紹聖三年知蕭縣行峻言直不畏彊禦鑿汧水新渠民免

水患歿祀名宦

舊蕭縣志舊府志

田畫字承君陽翟人建中靖國初知淮陽軍歲大疫日挾醫問

病者藥之遇疾卒淮陽人祀以爲土神

宋史鄒浩傳

孫文紹聖五年爲蕭令政通人和又有梅某嘉祐三年以尙書

虞部員外郎知縣事嘗作清心亭曾南豐爲之記

舊蕭縣志

米芾字元章吳人徽宗時由禮部員外郎出知淮陽軍用文雅

爲治尙禮教祛淫祀秩滿歸橐蕭然遇風舟危作詩矢諸神風

頓止

江南通志

王復以龍圖閣待制知徐州建炎三年金人自襲慶引兵圍徐

復與男倚同守城率軍民力戰外援不至城復坐廳事語粘

罕曰死守者我也監郡而次無豫願殺我而舍僚佐百姓粘罕欲降之復嫚罵求死闔門百口皆被殺獨一子侑先去武衛都虞侯趙立奪門出夜半殺守者入城求復屍廬之事聞贈復資政殿學士諡壯節趙立奏為復建廟楚州號忠烈同時教授鄭褒巡檢楊彭年皆以罵敵死

宋史趙立傳

王之才宣和中為豐縣主簿民稱為王清水

豐縣志

李寬建炎三年守淮陽城破寬死於敕書樓

大金國志宋史高宗紀云金兵執淮

陽守臣李寬

金

蕭仲宣本名野黑補遼人皇統間歷武甯節度使為政平易小吏不敢為奸賄賂禁絕

金史本傳

官績傳

同治徐州府志卷第二十一上

三十一

蒲查金宗室領猛安大定二年充邳州刺史知軍事蒲查性廉潔忠直臨事能斷凡被任使無不稱云

金史本傳

阿喜宗室子世襲猛安好學問聽訟明決人信而愛之察廉能

歷海邳二州刺史

金史本傳

紇石烈桓端西南路忽論宋割猛安人貞祐四年為邳州刺史充徐州界都提控紅襖賊數萬攻邳州桓端破之於黃山賊復來追擊敗之賊圍沂州桓端率兵救擊殺萬餘人賊乃去樞密副使僕散安貞上其功進同知武甯軍節度興定二年代石蓋女魯歡權 徐州行樞密院事後以疾召至京師卒

金史本傳

完顏仲德本名忽斜虎合

路人宣宗時授邳州刺史增築城

壁滙水環之州由是可守哀宗即位同僉徐州行樞密院事徐

城東西北三面皆黃河而南獨平陸仲德壘石爲基增城之半復浚隍引水爲固民賴以安天興二年復以仲德行尚書省事於徐州總帥王德全反覆仲德誅之已奉詔赴行在議遷蔡國亡赴汝水死

金史本傳

張特立字文舉曹州東明人正大中官監察御史當路者忌其直陰擠之左遷邳州軍士判官士論惜之

金史本傳

徒單益都以正大九年正月行尚書省事於徐州北兵守徐張盆渡徐危甚益都籍民兵拒守北兵燒南關去旣復來襲坎南城而上守者皆散走益都不及甲率夜直兵三百由黃樓而南力戰禦敵軍勢稍振復奪張盆渡取蕭縣破白塔戰於土山救被俘老幼五千還徐六月徐州兵亂益都挈妻子奔宿州駐城

宦績傳

同治徐州府志卷第二十一上

三十二

南會宿人殺其節度請益都主帥府事益都不從曰吾國家舊人爲將帥亦久方逃罪不暇豈有改易髻髮奪人城池以降外方乎卽日率官吏行至穀孰東遇蒙古兵不屈死

金史本傳

完顏賽不金始祖弟保活里之後有識略天興二年七月行尚書省事於徐州未幾元帥郭恩召叛將郭野驢麻琮襲破徐州賽不恐被執投河求死流三十餘步不沒軍士援出之又五日自縊於州第又完顏兀論移刺長壽相繼來爲徐州元帥天興元年先後與蒙古戰死

金史本傳

張邦憲字政叔秦州人登正大中進士第爲永固令天興二年避兵徐州會源州帥卓翼率兵至城邦憲被執將驅之北邦憲罵曰我進士也蒙朝廷用爲邑長可從汝曹反耶遂遇害

金史禹顯

傳

元

郭侃字仲和華州鄭縣人中統二年益都李瓊及徐州總管李
杲哥俱反宋夏責復來犯邊史天澤薦侃世祖召見問計賜尙
衣弓矢馳至徐斬杲哥夏責焚廬舍徙軍民南去侃追責過宿
遷縣奪軍民萬餘人而還賜金符爲徐邳二州總管侃行軍有
紀律野爨露宿雖風雨不入民舍所至興學課農吏民畏服

郭寶

玉傳

伯岳鰥蒙古人家於鄆至元中爲豐縣達魯花赤剛正嚴明忠

誠廉幹門無私謁吏絕侵漁

舊志

三寶住至正辛丑進士性廉介所至搏貪猾無所貸以江浙行

官績傳

同治徐州府志卷第二十一上

三十三

省郎中爲徐州兵馬司指揮

舊志

耶律廷瑞至元中爲蕭縣尹改建學宮士風一振

江南通志

馬徹里西夏人大德中監蕭縣有捍水患功

舊志

完哲篤字仲玉至正中監蕭縣政簡賦平吏畏民懷行部所至

一飯必酬其直

江南通志

楊泰大德十一年爲碭山縣尹加意庠序勸課農桑政教兼舉

民懷其德

江南通志

曹簡字士廉沂州人大德中豐縣主簿有德政

舊志

劉士保定人至正十年爲豐縣尹廉慎稱職

舊志

郭瑄字廷玉至正五年爲豐縣尹沉毅有爲凡有大興作皆不

動聲色人爭趨之

江南通志

王宗舉元末為豐尉時值兵亂據守全城民賴以安

豐縣志

趙野字子開濟南人大德初為沛縣尹勸農興學政平訟理人

多稱之有去思碑

南畿志

馬珪字君章兗州人至元中沛縣尹為政循良頗有古風民思

之不念為立去思碑

明一統志

李茂字庭實德州齊河人沛尉有美政邑人為立碑

舊志元虞集沛縣尉

李君美政記沛人有尉善其職其父老愛之願列姓名于石以示遠久國子生張復邑人也疏其邑人之頌云舟車衝衝出我沛邦我任我載唯尉之從力用不窮歲饑有盜尉制之有道出則有蝗尉除之有方泗漢患水防隄善圯尉將役人如視妻子民有無告尉繕其屋有繫之言曰尉嘗學于濟南李昌道先生故釋其弓刀揖遜有容復之言曰尉嘗學于濟南李昌道先生故知愛人之說其父奉使平陽罹地震之禍尉以恩得官故能感憤自樹立也嗟夫尉於縣政無所敢自遂也而及乎民者知此世之豪民狂吏以動搖劫持為能視一秩滿尉何有此乃以終

官績傳

同治徐州府志卷第二十一上

三十四

愛聞不亦善夫使尉益自勵所至不倦雖古循吏何以過之有司用材者能無放於斯乎尉姓李名茂字廷實德州齊河人初為濮州觀城尉遷沛尉父老曰張仲昂

楊溫大德間知邳州有惠政繼之者為吳文德亦有遺愛

舊志淮安

府志

魯呂曲丁

或作魯曲呂丁

赤不刺金俱大德間邳州達魯花赤以廉能

稱

舊志

苗澤懷慶人大德六年知睢甯縣有幹濟才勸耕興學歲饑建言宜蠲賦賑給河水衝決置大舟以濟民涉

南畿志

代理徐州府學教授丁鎮瀛校

同治徐州府志卷第二十一下

宦績傳

明

汪舜民婺源人正德初以山東副使按徐廉介剛正威惠並著屬吏無敢侵漁部下者值歲饑多方拯救仍請巡撫發粟以賑全活萬餘人祀名宦

余祐字子積江西鄱陽人正德中爲徐州兵備副使中官王敬進鮮多挾商船與知州樊準指揮王良詬良發其違禁物敬懼詣祐求解祐不聽敬誣奏準等毆已遂并逮祐謫南甯府同知李珏字廷重開州人正德末任兵備副使性敏決案無稽牘山東賊王堂掠及豐沛珏調健卒拒之旗幟以李兵爲號賊大敗遁去山東河南官兵剿捕者皆假其旗號賊望見輒走其威望如此

宦績傳

同治徐州府志卷第二十一下

一

何鼈字子魚廣東順德人嘉靖九年爲徐州兵備副使州有驛館夫役久爲民病鼈議罷其役歲省民財以萬計

楊宜衡水人嘉靖中爲徐州兵備副使汰冗役八百餘人諸不便於民者皆除之時鄉試屆期集諸生於書院聘名士第其文藝又併商稅修浮橋辨疑獄居五月遷河南叅政去

徐節山西臨汾人嘉靖中爲徐州兵備副使故事驛馬辦自富室分給各驛守者多不加護惜芻牧役使每不均斃則仍責富室補償最爲民病節酌定上中下之直聽各驛自買尤嚴差役之序民多稱便罷石山驛開新河皆節主其議

劉經緯江西進賢人隆慶二年爲徐州兵備副使才識精敏狷介絕俗威惠並行每涖學與諸生講論皆根極理要徐人士佩服之以艱去行李蕭然屬吏以贖緩助之固辭不受

馮敏功浙江平湖人隆慶三年爲徐州兵備副使時黃河大決民多不相保敏功力請賑之諸賦役不便於民者一切停罷督理河務往來洪波中未嘗憚勞尋遷山東叅政士民建祠祀之舒應龍廣西全州人萬曆初爲徐州兵備副使潔已愛人作興士類黃河決溢屢侵州城應龍與知州劉順之度地量財周城築隄以捍衛復延名人纂修州志士民爲建祠

陳文燧江西臨川人萬曆十七年爲徐州兵備副使爲政持大體朔望必詣學與諸生講論庚寅辛卯連年大水城市以舟文燧相地城南鑿支河以洩城中積水至今賴之

宦績傳

同治徐州府志卷第二十一下

二

袁應泰字大來鳳翔人萬曆末爲淮徐兵備叅議山東大饑設粥廠哺流民繕城濬濠修先聖廟饑者盡得食更搜額外稅及漕折馬價數萬金先後發賑戶部劾其擅移官廩時已遷副使遂移疾歸祀名宦

趙謙山西忻州人天啓三年任徐州兵備副使丰標俊整志擊强豪不少避以直忤俗僅再閱月卽掛冠去其志竟未伸云徐標山東濟甯人崇禎六年爲徐州兵備叅政整飭屬僚訓課諸生河決常山數十里力塞之流賊至率將吏晝夜城守賊西走遣將追至馬家林俘馘而還以憂去祀名宦

何騰蛟浙江山陰人崇禎十五年爲淮徐兵備僉事時徐境土

寇蜂起張方造王道善分掠豐沛程繼孔踞蕭之鏡山四出焚劫騰蛟至卽率兵渡河攻剿以次皆平以繼孔本蕭民與他盜異單騎抵其巢諭降之明年冬擢巡撫湖廣

郭昇字騰霄潁州人天順間以工部主事督徐州洪洪舊與呂梁同稱最險歲壞舟常百數昇相要害募人盡鑿去其石水勢

遂平擢郎中仍泣洪事後民於洪上立祠祀之

統志

杜謙字益之昌黎人景泰間以工部主事分司徐呂二洪鑿治

洪石舟賴以濟山東淮北饑流民號呼乞食謙勸賑糜粥全活

甚衆行水金鑑引杜公墓志

高貫字曾唯江陰人宏治間爲都水主事分治三沽諸閘釐正蕭碭豐沛歲役夫修昭陽湖隄及沽頭南北隄濟漕便民爲河

官績傳

同治徐州府志卷第二十一下

三

渠重者三年行水金鑑引邵寶高君墓志

吳嶽字汝喬汶上人嘉靖中以戶部主事督徐倉清操絕俗於利秋毫無染待人坦易時進諸生講學嘗建躡雲亭於學宮之北以增勝槩旣去人皆思之

何源江西廣昌人嘉靖中以工部主事任呂梁洪分司端凝介直遇事剖析無滯御下未嘗少假辭色洪民有武斷者繩以法無貸風裁凜然

姚體信浙江平湖人嘉靖四十年由進士任工部督徐州洪事夷曠平易與人不設機防人有片善輒敬愛之相接諸執事嘗屈己推誠時謂其元風高節不愧古人

朱光宇河南祥符人隆慶中以戶部主事督徐倉才識精明搜

剔積弊殆盡雅尚儉約崇儒重道先是學圯於水形家嘗以永福倉地爲利光宇慨然卽易爲學諸生因建祠學內與翁大立馮敏功章世禎劉順之並祀

鄭繼之湖廣襄陽人萬曆初爲戶部分司主事性至明敏人不敢欺事亦無畱難關津商民交口頌之其廉介之操纖塵不污人方之吳介蕭嶽後仕至吏部尙書

余毅中銅陵人萬曆四年以主事分司呂梁洪毅中少有清望在官興利革弊商民德之性嗜學讀書每至達旦竟以勤致疾卒於官副使莫與齊爲祠鳳冠山以祀焉

姜士昌丹陽人萬曆十年以戶部主事管徐州倉時方弱冠洞燭利弊老吏不及胥吏畏若神明恤軍惠商羨餘萬金悉以貯

宦績傳

同治徐州府志卷第二十一下

四

州帑尤謙恭下士加意學校及去士民爲立碑

梅守相字台南宣城人萬曆中授工部主事分司夏鎮自劉東星開浚韓家莊至李化龍鑿泲河皆守相爲之佐理身歷塗潦冒艱險九載績成有功漕河不亞於二公

陸檄字羽行長洲人萬曆間以工部主事分司夏鎮以隄束水以水滌沙疏濬啟閉皆親自經畫功績甚偉進秩郎中

王命禹浙江蕭山人萬曆三十九年以工部郎中分司呂梁洪御下嚴而內寬厚立社課諸生文藝四方至者甚多河決狼矢溝命禹露處河干晝夜督役逮功竟未嘗輕笞一人以憂去士民懷之

宋統殷山東卽墨人萬曆四十四年爲戶部分司主事政崇大

體商民懷惠接士子以禮尋遷淮安知府

郭長發福建惠安人天啟二年任戶部分司主事性仁厚爲政務崇寬大惠商恤民作興士類人多頌之

張璇高邑人天啟四年爲戶部分司主事才識明練商民多被其澤時黃河暴漲璇於六月二日促裝移戲馬臺之聚奎堂是夜河決城陷獨璇典守無失人皆服其先見因築垣修宇遂爲署焉鑿義井修放鶴亭衆爲立碑建祠

唐鍊字純之由進士知縣擢工部主事管呂梁洪預築鯉魚山缺口省帑金萬餘徐境得無衝潰以才能改御史萬厯間復兵備徐州亦有惠政

聶雲翹直隸曲周人天啟七年以工部郎中分司呂梁洪甚得

宦績傳

同治徐州府志卷第二十一下

五

士民心解任歸舟次新安湖中有羣盜駕小船數十向之左右皆驚賊衆曰爾無畏我衆來爲百姓叩謝使君耳乃各叩首以去

史啟元字蓋卿江都人進士督徐州倉務以廉幹稱

文景宗合肥人洪武初自婺源州同知來知徐州事廉介有守時天下初定民多流離景宗招徠賑貸勸督農桑民以安集歷任久創建州治壇廟學校民不勞而事集遷濟南知府去祀名宦

劉秩字伯敘豐城人吳元年由內翰典籤檢閱經史官出爲徐州同知文章政事皆見稱當時與知州文景宗協力修政尋詔入議大禮遷崇明知州民爲立生祠祀名宦

楊節仲湖廣樊城人洪武末以薦舉知徐州爲政一以厚風俗爲務州大疫遣醫四出療治躬自督視貧者則捐俸給之喜獎拔士類在任六年政化大洽擢大理知府去祀名宦

楊秘山西遼州人宣德四年知徐州多惠政得民心州中公署廟學悉爲改置秩滿當代屬邑民乞畱詔增秩復任先後凡十八年民迄今頌之不衰祀名宦

宋誠字彥實湖廣蘄州人景泰中由劍州知州改知徐州時方饑疫與巡撫王竑協力共濟多方賑救往吏多怠玩廢事誠繩督弗少假借凡公署廟學次第葺治政暇修纂州志政務具舉吏民畏服遷敘州知府去祀名宦

王敘字大倫臨汾人天順中知徐州廉節自持涖政嚴明廢墜多所修舉遷慶遠知府去祀名宦

宦績傳

同治徐州府志卷第二十一下

六

陳廷璉字宗器湖廣攸縣人成化中以進士知徐州才識通敏爲政敢勸風俗宏獎士類遷南京刑部員外郎去

和鸞字廷瑞山西平定人成化中知徐州性鯁介廉儉自持遇事不爲遷就監司初不悅久之轉加敬信軍衛事赴訴者皆獲平反在任八年深得民心遷襄陽守去祀名宦

樊準南昌人正德中知徐州廉介彊立不畏權勢政務節省先是中貴督廣運倉儲左右恣肆莫敢誰何準至一以法繩之無敢犯者會進鮮中使橫索驛遞供應不貲準廉得其所挾私物裁抑之尋被誣逮繫老幼號泣隨送者幾萬人抵京事白得調任歷官山東按察僉事

張淮字本豫義勇前衛人正德中知徐州時駕南幸百姓惶懼咸思竄匿淮與判官董相慰安之經畫供億秋毫不以擾民時服其才

王重賢交河人先爲御史以言事落職嘉靖中再遷知徐州初州以里胥分直供應豪猾緣以培剋重賢至革之改用贖金以亭老司其出入民間始無擾累有州佐恃結納贖貨重賢因考察入京白吏部罷之遷東昌府同知

孫光浙江蕭山人嘉靖中知州事性謹厚仁慈約己愛民痛裁冗濫里甲徭役悉爲更定民獲安息焉

劉順之廣西馬平人隆慶六年知徐州廉介精明善剖煩劇徐頻年被水爲築張村站隄塞房村決口創築護城隄遍歷郊野

宦績傳

同治徐州府志卷第二十一下

七

問民疾苦請賑恤之力行條鞭法裁定賦役學宮新遷日爲臨視以底於成歲旱禱雨輒應火延燒城樓望拜卽滅居四年百度具飭遷瓊州府同知百姓爭乞畱不得後上官疏畱爲淮安同知徐人懷其德常往謁之

章世禎字克昌餘干人嘉靖間舉人由知德州移判徐州尋爲六合令治行第一復知徐州以治河奏功晉秩致仕

孫養魁直隸容城人萬曆四年知徐州以寬大得民心在任凡十年

唐民敏廣西全州人萬曆十四年知徐州州錢糧頻年爲奸胥上下其手緣是甲乙不均民敏清審釐正宿弊盡除百姓大悅以不阿上官左遷去士民懷之

劉萃洛陽人萬曆二十一年知徐州操守最堅後被白簡未行有奸民盜府庫者潛置數百金於中堂案上求脫重譴萃出見之大怒隨以金白兩臺正其罪其不以去位易操如此嗣守曾士毅四川巴縣舉人其罪徽賈事亦類此人謂先後繼美云徐鄰浙江上虞人萬曆三十年知徐州愛民禮士性至勤未旦卽起視事一郡稱治遷保定府同知祀名宦

夏崇謙湖廣京山人萬曆三十三年知徐州坦易明敏判斷如流無所撓枉尤注意學校多所培植在任四年考最加秩以病去士民攀送百里外爲棠風亭於雲龍山設石主祀之

張正綱福建晉江人萬曆四十年知州事沉靜練達不動聲色而事治民安待士子隆重有禮修城建學不憚勞費士民頌之官績傳

同治徐州府志卷第二十一下

八

傅惟翼四川富順人萬曆四十五年以邳州知州遷徐州爲政簡要凡可因者因之不可者務與衆參酌而後去在任四載賦平役省時有四野不識胥吏一州不知有官之謠循良爲一時之冠

沈同和字尙中烏程人成化中同知州事清介有守臨民不縱不苛在任九年遷州守去

王之葵撫甯人由明經任徐州判智明膽決不肯阿徇當流寇之亂州牧自焚之葵亦堅求自盡士民力救得免以徐水陸要衝憲司勉以代篆視事三載撫恤瘡痍安輯流離民得復業一時賴之

項情江西德興人嘉靖中爲徐州判官潔己愛民未嘗苟取嘗

以秋冬久旱徒跣爲民祈雪雪大降人以爲精誠所感

吳嘉言湖廣漢陽人崇禎二年爲河務同知駐徐州以廉潔稱
馬良崑山人洪武初以薦舉授徐州衛知事明習法令糾繩軍
政上下咸服嘗與指揮蔡祥協建衛治後擢德慶府同知其孫
紀遂占籍於徐

趙燹字秉衷虹縣人其父兄皆以忠死燹由永平衛指揮僉事
遷徐州衛指揮使永樂十三年鎮徐州政令嚴明居心平恕官
軍咸畏愛之

應廣平浙江黃巖人成化中爲州學正端慤不苟善立教規
胡崇易四川墊江人正德中爲州學正動履端肅率人必以矩
矱迄今傳其遺風

宦績傳

同治徐州府志卷第二十一下

九

張德瑄福建侯官人景泰中爲州學正守正不阿或懷百金求
爲請託輒麾去多士敬服有司重之

宋驥餘姚人周易番禺人袁堯臣江陰人皆爲徐州學正有志
操勤於教誨必以行誼爲先

陳璽福建福清人萬曆五年爲州學正性嚴正人不敢干以私
上官皆敬禮之當時推學官之賢者必曰陳先生擢翰林孔目
卒於官

何懋基字仲修武進人性孝友選徐州學正俗好爭競基諭以
禮義廉恥人多化之

張淳孝感人天啓三年署州學正嗜學不倦立教本諸躬行
王登哲柏鄉人天啓三年任學訓性方正醖誠有古人風教士

以敦行爲先居官七載悉却貧生之饋直指薦之以艱去
林維傑廣東番禺人以舉人署教事天資近道啟迪不倦或有
餽遺多却不受甫三月以憂去諸生垂涕送之

雷永祚潛山人崇禎五年任州學正性至孝植行方正不阿於
俗教士先行後文修學宮明倫堂至嚴整未幾以憂去多士懷
之

朱夢弼浙江秀水人崇禎十三年爲州學正博學工翰墨持身

清正上官敬禮之使署徐屬河防又署戶部事皆有清節惠政

以上
徐州

汪致道字成德徽州黟縣人洪武初知蕭縣兵燹後致道盡心
招撫民祿負歸耕庶務咸理治爲諸邑最

宦績傳

同治徐州府志卷第二十一下

十

鄭恕浙江仙居人建文時知蕭縣燕將王聰破蕭恕不屈死籍
其家二女當配亦死之祀名宦

郝玘山西吉州人初由賢良方正任邯鄲令調知碭山所至政
教修明民懷其惠鄰邑皆稱慕之以憂去永樂初服闋謁選京
師蕭父老乞爲蕭令從之治績視碭益著邑人請祀名宦子孫
因占籍於蕭

閉悌廣西橫州人成化中左遷蕭縣丞律已厚下民德之請爲
令尋遷韶州府同知祀名宦

馮裕臨朐人正德三年知蕭縣歲饑發廩以賑仍日煮豆粥三
百釜食之又撫流移墾荒田補助不給邑人依若慈母祀名宦
王隆鄆城人嘉靖中知蕭縣山東羣盜剽掠郡縣人情洶懼隆

爲營緝城守民賴以安又改建文廟作新人才遷安慶府通判
去士民思之祀名宦

孫重光山東海豐人嘉靖十六年知蕭縣廉介剛正倜儻有爲
蕭苦田賦不均重光履畝步量緣地起稅境內翕然稱平後遷
知州

唐文華河南懷慶衛人隆慶三年以曹縣教諭遷知蕭縣敷政
慈祥與民休息持已端嚴操守廉潔懲治奸蠹境內帖然蕭人
立祠祀之有去思碑記

宋煒江西豐城人萬曆二年知蕭縣外嚴內慈勤民愛士操守
耿潔吏民敬畏歷二載以憂去歸裝蕭然不啻寒素

梁樞江西宜春人萬曆九年知蕭縣首革庫貯徭夫代補洪閘
等役銀六千餘兩立鄉約教民蕭人德之

王袞山東陽穀人萬曆十一年知蕭縣聽斷精明數年強豪屏
跡百廢皆興上官薦凡七上以憂去邑人頌德立碑於三仙臺

山明彭縉王侯德政碑記明定鼎初蕭尚爲蕃衍之區迨正德

尤甚今上之五年丁丑夏復遭崩城之慘夷廬侵畝害難殫述
於播遷新治而昔之河渠淤墊一望皆湖水蕩漾矣民苦之
癸未夏值仲山王侯以東魯魏科來牧茲邑目擊時艱欲經理
之顧民力未克有濟閱二年許乃惕然諭衆曰今不治終爲廢
縣速鳩我工我村永堦四湖及山瓦子杜缺三坡次則疏
南土形浮緩姬村永堦四湖及山瓦子杜缺三坡次則疏
通兩河口綿亘龐家窩二十餘里各缺積水乃平復念及舊
治南北孔道三仙臺橋梁與夫楊家口七處決口彈力圖維爲
經久之計侯且捐俸犒衆萬姓忻然荷鍤操畚樂效子來選邑
之廉能者得李遠縱鱗輩董率惟勤工竣邑父老張洋等僉感
侯之德請余言以勒諸石余惟禮有功德於民者加以地進律能
禦災捍患者祠而祀之余侯濟河以救民田築堰以防泛濫修
途以便車馬建橋以絕徒涉抑亦鋤強扶弱百廢漸興計侯之
功信與古循良而並埒鑄而紀之永世其忘之耶是爲志侯名

官績傳

同治徐州府志卷第二十一下

十一

袞山東陽穀
人領鄉薦

高進孝河南獲嘉人少事母以孝聞成進士萬曆十四年除蕭令沉靜慈祥諸所聽決惟恐失當務爲真懇時值儉歲盡心賑恤所活無算閱二載大吏嘉其廉能調上海僅三月以憂去道經於蕭士民泣送者踵相接焉

康煒山東武定州人萬曆十六年知蕭縣息訟省刑修學建署葺城垣纂邑乘採辦壽工花石具有功績

臺存道山東諸城人萬曆二十年令蕭歲大饑請給民牛種截畱漕米二千餘石以賑全活萬餘盡除里甲應官浮費立亭老辦事里長止催鞭糧人皆稱便

劉夢熊山西沁州人萬曆三十五年知蕭縣事會大水築兩河

官績傳

同治徐州府志卷第二十一下

十二

口隄開常家樓黃河數十里一月報竣民不疲勞

管爲國浙江黃巖人萬曆四十一年任蕭令性嚴正疾惡如讐蠹吏驚民舉畏憚斂迹行鞭糧易知單民甚便之尤喜文士樂與諸生講課娓娓無倦色建羅星臺祀文宿刻幼學寶訓頒惠童蒙四門各立社學社師復其家各給官湖地二頃爲修脯資
歷三載卒於官邑人士爲私祀焉

蕭學儼字耐士江西廬陵人萬曆四十六年令蕭政尙明察胥吏無敢欺隱奸民強族皆震懾改行捐俸募資改遷儒學及察院刊四體簡儀以教民

張鏡心字湛虛磁州人天啓四年知蕭縣訊鞠必盡其情里長苦丁糧繁費過多鏡心自爲解兌不以累民革除舖戶供應縣

西故有湖久湮疏通之得田千頃盡以子民調繁去蕭民爲立
生祠

陳會江福建莆田人天啓五年任歷任三年卒於官祀名宦

名宦

祠題
名碑

會江令蕭拊循勞來釐奸剔蠹稽尺籍議蠲賑所全活者

亡慮億計

李思誠陳
侯喜雨碑

鄭繼僑江西九江人崇禎元年任蕭令時民俗好奢繼僑以廉
約化之上官過境儼從擾民悉裁以法上官敬之每聽斷慈祥
懇摯息訟甯人

袁國祥徐州人以胄監爲光祿署正改宛平令尋告養歸里崇
禎末年蕭邑邱墟長令遁去民無所依閣部史可法以國祥素
爲鄉里推重乃請授屯田通判委攝蕭縣事國祥至邑凡遺黎

宦績傳

同治徐州府志卷第二十一下

十三

殘喘招徠而安輯之掩骼埋骼移粟就民以活垂斃一時賴以
補苴云

歐陽安廬陵人永樂初以商水教諭徵修大典上章忤旨謫蕭
縣訓導日進諸生論文講道由是蕭人始知向學宣德中卒官
年九十六諸生追思倡明文學之功請祀名宦子孫遂家於蕭
沈种雲南趙州人蕭蔚廣西馬平人皆以嘉靖間任蕭教諭課
士有方樂與人言忠孝蔚復捐資葺學舍親課諸生

耿介元城人嘉靖三十七年由歲貢爲蕭訓導性純朴淡泊自
甘課士先行誼而後文藝常捐俸以周士之貧者蕭人稱之祀
名宦

姚應龍浙江慈谿人喻思敬江西上高人萬曆初爲蕭教諭教

士整肅清介有聲

胡廷用湖廣蘄州人楊邦泰廣西鬱林人宋道光山陽人張一翰山西翼城人江鯉河南汝甯人皆萬曆間蕭學官課士有法勵節操又有汝甯鄒仕普安蔣克顯江都彭承蓋皆司訓之良者也

吳曉通州人真純簡直勸勉諸生如訓子弟常出橐中資餉寒士張邦和遼東廣甯人醇雅有儒者風每遇事毅然直任魯汝亨江西南城人性廉直喜規人過然課士多所獎勵三人皆崇禎間蕭邑教諭

齊福東湖廣石首人洪武中爲蕭縣丞廉潔不苟臨事公平吏民畏服以最遷知嘉定祀名宦

宦績傳

同治徐州府志卷第二十一下

十四

劉世泰江西南城人嘉靖二十三年爲蕭丞政多仁愛邑人稱劉佛

王伯金浙江山陰人萬曆三十七年選蕭縣主簿器量豁達能任事時蕭有河務柳草之役伯金殫力區畫革除吏弊民若不知有其役者尋轉衛經歷

高應魁山陰人崇禎十四年授蕭主簿忼爽多智略時土寇蜂起輒芟人麥禾爲糧應魁隨宜捍之竟不敢犯國變棄官去又趙永福河南洛陽人萬曆五年以刑部司獄遷蕭邑主簿習諳刑法而性仁恕聽察盡心務在平反值縣境濬河往來督工徒步繭足官舍蕭然弗顧也後遷清豐丞去蕭人懷之

吳道中山西馬邑人嘉靖八年任蕭典史性寬平民感其德歷

九載終始如一

孟朝紀山東青城人嘉靖三十二年任蕭典史性清介是非必嚴辨雖上臺前能力爭聽斷明決不畏強禦人服其戇直王階福建將樂人萬曆十六年以掾史爲蕭尉優於文學而持己剛方遇事平恕歷二載以從事河工擢睢甯主簿去何希貞江西南昌人萬曆十八年爲蕭典史狀貌豐偉學優才裕諸所裁決仁恕寬平邑人悅服遷高郵州吏目

樓應登浙江諸暨人崇禎五年以曹掾任蕭尉操行伉直處事慈祥決斷能盡人情而不可干以私時邑多火災術家謂東山石剝琢過甚所致應登培築之火患遂息邑大旱禱雨應登取水龍潭炎暑烈日中徒步往返數十里翼日乃大雨章山盜剽

宦績傳

同治徐州府志卷第二十一下

十五

掠民財徒黨甚強悍應登率衆捕之躬擐甲胄不避矢石所討悉平

賈之騷山西平陽人崇禎十五年爲碭營守備駐趙家圈時盜賊充斥之騷年少善騎射每出剿臨陣先登從劉將軍破賊碭山戰最力及征蕭西南山賊以山徑盤屈失道後軍不及從猝與賊遇遂單騎突入其陣賊衆披靡所乘馬忽蹶之騷步戰手刃數人賊圍益衆力戰死事聞贈奮勇將軍

以上蕭縣

劉伯吉宣德間知碭山縣以親喪去服除碭山民守闕下求再任吏部言新令在碭山已二年矣帝曰新者勝舊則民不復思今久而猶思其賢於新者可知矣遂易之

鄒旦江西樂安人正統間任碭山令重士愛民有古循吏風聲

稱藉甚改宜興令

萬曆州志

杜釗直隸衡水人繼鄒旦爲碭山令政善民益安之秩滿父老

借畱增秩還任

萬曆州志

祀名宦

張夢輔陝西澄城人成化中舉人知碭山事剛果有爲百廢具

舉尤能弭盜四境晏然遷知潁州去

南畿志

祀名宦

胡希顏陝西乾州人宏治中由進士爲碭山令其政大都類夢

輔頗尙嚴明風猷赫奕擢御史

萬曆州志

祀名宦

田裡河南祥符進士知碭山縣廉介不苟政務息民綽有聲績

擢御史

萬曆州志

祀名宦

李金字宣之江西豐城人正德中進士任碭山令性仁厚律己

廉潔時盜賊猖獗悉心調度捍衛防守民賴以無恐後洪水衝

官績傳

同治徐州府志卷第二十一下

十六

決屹然保障遷兵部主事歷台州府知府

舊志

祀名宦

劉陽字一舒江西安福人初從劉曉受經曉告以王守仁學遂

往謁於贛州舉於鄉知碭山縣有惠政教民敦崇孝弟公餘輒

引士民訓諭賢愚胥化俗多盜陽捕其首撲殺之奸民震懼邑

苦河患乃齋沐七日率父老請禱河忽自疏者二十七里廟學

公署多所修建徵授御史引疾歸父喪哀毀廬墓講學務實踐

不尙虛寂

明史王守仁傳江南通志

卒祀名宦

王紹元江西金谿人嘉靖中知碭山縣築隄三十里以捍決河

招逋民給籽種民多復業又立均地三限等法清隱田之弊飛

蝗蔽日禱於天得大雨蝗盡死擢御史碭人立祠祀之

萬曆州志

並

祀名宦

季木浙江會稽舉人嘉靖中爲碭山令值歲饑賑卹多方全活甚衆河水衝潰復築隄衛城以免水患百姓德之遷贛州府同

知舊志

戴偉山東鄆城人爲碭令性剛介諳練敢爲復厚自標植篤中勿欺事交於前迎刃而解有宜民善政七事上之監司報曰此法可永永行之也命鐫石於堂

萬曆州志

王廷卿荆門州舉人知碭山事議減協濟閘役諸費歲省七千餘金建書院課諸生置義田以資貧寒者碭素無志乘廷卿又創爲之薦牘凡七上萬曆二年入覲上問循良吏得二十五人廷卿與焉遣回時麥穗有四歧五歧六歧者人以爲善政之應明年擢戶部主事民範金像祀之

江南通志舊志

宦績傳

同治徐州府志卷第二十一下

十七

熊應祥金谿縣舉人爲碭山令政尙和緩而於邑中多所興作公署一新築隄禦河惠民尤德之

張汝霖清江舉人爲碭山令政平和不任刑罰於學宮尤多修葺

陳秉良東莞縣舉人知碭山縣政尙簡要有慈父之稱值歲饑煮粥賑濟全活甚衆重修邑志以遷去碭人懷之

蔡一熊字齊璜閩人宋端明裔也萬曆丙辰進士任碭山多實政碭濱大河洪水汜濫一熊百計捍禦河不爲害歲大旱一熊終日向城隍虔禱祝曰聖人且以六事自責此旱乃我之罪罪加於我勿苦我民祝畢甘霖大霑蝗飛蔽空民甚徬徨一熊復跪禱於天蝗輒他徙時雜役煩興事尙操切士民往往破產一

熊爲汰其煩冗與民休息性醇朴服御簡約風俗爲之一變旋以擢去士民留之不獲乃立生祠復肖像祀之

張兆璋惠安人任碭山養民也惠阨流賊殲渠魁民不忍其去易世璧字崑良雩都縣人崇禎元年恩貢任碭山有惠政

劉芳清苑縣人令碭山性敏捷有惠政官署隍堞多所修建暮月去人咸惜之

李春鯨北直開州舉人崇禎七年知碭山縣時值荒亂無藉之民乘間攘竊春鯨至翦兇頑邑大治被誣去邑民數百人千里擁從號泣辯冤事始白復建祠祀之

宋坤瀋陽人崇禎間令碭山時流寇方熾坤修城隍建樓櫓置礮其中日練兵守禦賊至命其兩女爲右翼城守營爲左翼開

宦績傳

同治徐州府志卷第二十一下

十八

門出戰追至河南界駒家集而還後賊大至又以計退之尋調去民感其德爲立生祠并祀其二女豐叢滑縣人爲縣簿多諳練嘗攝碭篆簡易不擾

江泰崇禎十三年爲碭山令時災異疊見餓殍接踵前令曰夕征比丁糧民益苦之饑民羣起爲寇上官欲勦除之泰不忍請兵多方撫御民盡革鄉里安堵泰以過勞卒官百姓哀之罷市數日

黃溥廣西籐縣人董槐代州人王珠潁州人黃思齊宜興人劉朝孚順德人皆爲碭山教諭善立教操履方嚴

葉楚華松陽人徐天麟龍陽人嚴淮太和人胡一化鳳陽人爲碭山教諭博學有師法楚華入名宦

葉孝友婺源人爲碭山教諭不苟取與攝縣篆幾四旬金僅三十兩買學田以資寒素構魁星樓令多士肄業其中
謝廷諫亳州人爲教諭買柏槐二百餘株周值鬻宮士有甘棠之思任訓導者賈夢鯉嶧縣人性豪爽任氣節魯蘭含山人真誠無僞未幾致仕去

劉承傑鄉里失攷明末爲邑教諭立品高潔善課士邑人化之
甲申京都陷傑泣曰何以官爲卽封印掛冠去囊橐盡棄弗顧也時同城主簿王應昌典史胡晉錫皆有胆識值流寇至分城堅守能却敵聞傑行慕其義卽棄官同去邑人高之傳爲掛冠三雋云

陳應奇會稽人爲碭典史心仁恕適管河工夫役患疫應奇親

宦績傳

同治徐州府志卷第二十一下

十九

調湯藥多全活遷主簿去

以上碭山

曾本雱都人曹仲簾鉛山人闕膺奉新人陳善弋陽人吳文光高安人五人皆隸籍江西爲豐令廉潔仁愛有聲績本膺善仲簾並祀名宦

鄺頤南海人以廉惠稱張泮鄞縣人大水壞民舍躬自巡撫民安其居衆甚德之皆任豐令

裴爵澤州人令豐六載公廉勤慎開積荒通商旅築隄以殺河勢均賦以恤民災高祿博興人爲豐令政簡約會黃水陷城祿徙衆華山斬茨以居出入鄉村問民疾苦張叔宣內江人繼高祿爲令廉潔嫺吏治李崇信潛江人爲豐令值邑遷華山未久殫心經畫曠墜畢舉四人皆祀名宦

任惟賢黃陂人由舉人任豐少績學明易禮二經有幹略築新隄崇節孝抑奸貪雪幽滯緩征薄歛與民休息坐堂皇不設門隸任其自投告行之三月一邑帖然去之日老幼數千攀轅號泣立碑志之

莊誠成都人由舉人任豐錢糧先給清單能剖疑獄開涵洞洩水城無積潦建社會設文課皆時政所未及者費思箴荊門州人豐城易土爲磚自思箴始孫延掖縣人悃悞無華秋糧舊有陋規延悉裁革起常平倉三所貯穀豆五百石備賑後擢任刑部郎值邑歲荒移文散濟如在任時

李先春延慶州人爲豐令剛毅有幹局時權法行有璫踞徐州橫甚左右緣爲奸屬內苦之豐獨晏然

宦績傳

同治徐州府志卷第二十一下

二十一

戴一松儀封人以五河令調任豐值河決朱旺口民多蕩析一松加意拊循節減馬遞夫役歲省二千餘金核正丁地以均錢糧奸吏不得任意增減

熊應祥內江人愛民以誠禱雨輒應孔道源錢塘人澹朴廉介新祠宇修邑志未嘗病民二人皆豐令有去思碑

常思溫明練敏決人不能欺午溝有水賊爲害思溫盡殲之於學宮尤加意焉王三益講學說書不屑屑於簿書而縣事自理二人皆河南永城人爲豐令者

宋士中爲豐令崇尚德化不爲苛急而應變銷萌迅若發機天啓二年山東妖賊破鄒滕陷夏鎮邑人震恐士中浚城隍督鄉勇守禦賊至三戰皆勝凡數月始安

劉調羹禹州人由進士令豐清淨寡欲愛民如子值河決徐邳夫役桀梢動輒踰額調羹力請多所裁免後以績最遷侍御有遺愛碑

王體蒙虞城人令豐案無畱獄一夕有寇警體蒙偃旗鼓誘其至擊之遂遁去

劉光貴州人令豐精嚴勤幹剿平土寇流賊攻城光力禦之城潰殉節邑生員皇甫世明依光不去併死之

譙拱極四川人令豐樸貌醕行不露圭角而內實剛明奸胥某一縣巨蠹積惡漏網拱極廉知之立斃杖下未幾以憂去

劉昂廬陵人爲豐邑教諭學問淵博尤長於詩賦毛志尹新建人性孝能愛護士類范景曾昌邑人坦中直氣不爲媵姁忤直

宦績傳

同治徐州府志卷第二十一下

二十一

指挂冠去李洛高涇人和厚善講解以文字來質者欣然爲評品且出壺漿酌之咸佩德焉又有段徽陳璜陳讓皆能持己以正入名宦祠

張以誠青浦人持正秉禮風節矯矯龔爽湖廣景陵人英毅有爲臨事屹然山立龐濬敦朴質直王緝敬文雅通書卷常俸外一無所受湯夢禎寶應人課士文行剛而能溫皆爲豐邑司訓

人士德之

以上
豐縣

顏伯瑋名瓌以字行江西廬陵人建文元年以賢良徵授沛縣知縣靖難兵起李景隆屯德州沛人終歲輓運伯瑋善籌畫得不困會設沛豐軍民指揮使乃集民兵五千人築七堡爲備禦尋調三千益山東所存皆疲弱不任戰燕兵攻沛伯瑋遣縣丞

胡先百夫長邵彥莊間行至徐州告急援不至遂命其弟珏子有爲還家侍父題詩公署壁上誓必死燕兵夜入東門指揮王顯迎降伯瑋具衣冠嚮拜畢自經死有爲不忍去復還見父屍自刎福王時贈伯瑋太僕少卿諡忠惠有爲翰林待詔諡孝節唐子清沛主簿也不知何許人在沛有善政民愛之顏伯瑋守沛專調兵食邏察事皆付子清燕師入被執燕將欲釋子清子清曰願隨顏公地下遂死之福王時贈工部員外郎諡義節黃謙字損之武進人以儒士爲沛縣典史果敢善戰能戢下燕兵薄沛謙與顏伯瑋唐子清集民兵築堡備禦燕兵不克去謙尋統死士往東昌援鐵鉉及燕兵入沛遣謙往徐州招降謙不從亦死福王時贈工部員外郎諡果義

以上顏伯瑋子有爲唐子清黃謙四人死事相

宦績傳

同治徐州府志卷第二十一下

二十二

連俱本明史
兼參舊志

常瓘內鄉人古信嘉魚人馮謙諸暨人永樂景泰間皆以舉人知沛縣平恕不苛勤民事遠近德之

馬時中太原人成化中知沛縣持守廉介爲政簡易以忤權宦謫慶遠衛經歷

姚祥字應龍歸善人宏治中知沛縣自奉清約愛民如子天旱虔禱郊外大澍如注民有負官租數年者久拘於官祥與之期而遣歸果如期至常詣學進諸生課之甫八月擢御史去王琛松滋人政寬平篤意學校栗鉦潞州人在官清慎徐輅海甯人亢直不私倪民望黃梅人溫和坦易皆任沛令

楊鳳府軍前衛人宏治中以進士知沛縣剛明果斷事無停滯

麻芝榆林衛人令沛性剛才敏彊禦惛服

胡守約字希曾合州人知沛縣中官吏宣進貢經沛陵轢官吏橫索無厭守約與宣訐奏被誣繫獄比鞫對持論侃侃無屈撓竟罷歸後復起用官至湖廣按察司僉事祝希哲江西德興人平易近民馬日丙四川南部人築隄護城民有遺思周治升四川新津人有治材符璽龍陽人慎重得體不任吏胥

王治字純甫永年人由國子生知沛縣沛故無城治爲創築又撤龍泉寺徙建學宮

李禎新昌人由舉人知沛縣縣田多蕪禎給牛開墾盡成畚發好摘伏如神明政暇集諸士論文不倦尋擢御史

李汝讓字遜菴直隸永甯人萬曆癸卯沛大水汝讓時知虹縣

宦績傳

同治徐州府志卷第二十一下

二十三

以才能調沛居城堙理事悉心撫卹諸廢圯漸次修舉尋遷知鄆州邑人乞畱詔改授邳州知州仍畱管縣事初汝讓補築護城隄修學宮遷縣治未竣至是益專力營治修築太皇潰隄縷水缺隄纂輯縣志百務具舉

周涇字澄之貴溪舉人知沛縣強毅有爲百廢俱興

滕霽字子開建安人由舉人署沛學教諭歲饑沛適缺令未以災報霽爲請上官發倉賑之全活無算遷嘉善知縣沛民請於吏部遂知沛縣鋤強抑暴禮士愛民以不善事上官投劾去操松字廷節浮梁人正德中爲沛教諭勤於立誨捐貲濟貧生于喬高唐人嘉靖中以歲貢任沛教諭性剛方不能容人之過清節自持却貧士餽且捐俸助之

張慶暘泰順人以貢任沛訓導篤學能文志操端潔其師模之善與喬先後見稱隆慶以後郡邑志皆缺載張俊同安人爲沛訓導啟名行崇教化拔才俊教人魯師問字汝祥和州人爲沛訓導啟名行崇教化拔才俊計口食俸貧約如諸生時

李文憲字從周北直人嘉靖二年由國子生授沛縣丞明年三月二十八日夜忽有賊百餘人入城劫掠憲率民兵往捕挺身當先矢盡遇害以上沛縣

陳葵慈谿人洪武中知邳州興學勸農甚有遺愛祀名宦
申梗金華人洪武十三年知邳州平易不苛民無怨讟

舒文秀荊門州人建文時知邳州興學勸農士民懷之
孟琳鄆志作林蒲州人成化間知邳州彰善癉惡士民悅服升本府

官績傳
同治徐州府志卷第二十一下 一二十四

同知

郭珏新安人成化間知邳州廉勤愛民時以趙成建言珏坐隱蔽田糧遣戍大臣力爲辨明尋復任焉按直河巡檢司署正統十三年郭珏建此云成

化間任必有一誤也

郭定澤州人成化間知邳州泣政明爽百姓稱便或曰天順間任

周廣榮吉水人十六年知邳州文章政事並稱於時祀名宦

毛深聊城人十九年任邳州愛民禮士有聲或曰天順間任也

李惟聰杞縣人宏治二年任邳州政平訟理嘗修葺州學升工部員外郎祀名宦

蘇泰歷城人進士任大理寺評事坐事謫邳州判宏治七年知州事六事兼舉上下康樂升陝西按察司副使

雷爵朝邑人十二年任邳州廉出天性政通民安有古循良之風祀名宦

周尙化太和人正德四年任邳州涖官公勤時流賊劉六犯境修築州城建皇華金勝永康三樓勒兵防禦州人賴以保全爲立生祠祀之祀名宦

沈珂湖州人九年任邳州政尙寬仁調廣西橫州

高巖瀘州人十二年任邳州不畏強禦而優禮士人人亦稱之祀名宦

馬京眞定人嘉靖十二年任邳州勸州人種棉有種木棉詩蓋志於民者調山西平定州

陳柏廬陵人十四年任邳州廉能敏惠百廢修舉一時守令推

宦績傳

同治徐州府志卷第二十一下

二十五

柏爲最時下邳驛前民家火風盛柏往禱風火頓息州人以爲誠感

同知邳州事者武甯大同人成化間任以公勤稱馬憲睢州人成化間任篤慎能恤民龔華南昌人宏治三年任華雅有儒術王景隆隆慶州人宏治十二年任敏決有幹吳憲江夏人嘉靖十四年任有惠政張德恭光山人慈惠愛民

曹卿銅梁人進士歷官御史成化間謫爲邳州判官卿不以降黜愴於其職修學校及州署興利除害百廢具舉終明之世佐貳中未有如卿之任職者也遷滁州知州祀名宦又有武忠遼陽人嘉靖元年任邳州判以篤實愛民見思馮清淇縣人三年任邳州判以才濟稱楊政南昌人四年任邳州判治河有功宋

惟哲嘉定州人五年任邳州判勤謹有操持彭繡麻城人七年任邳州判設施多方克稱委任

蕭瓊武岡人才識敏瞻長於誨人顧維四川人以嚴整見憚成化間邳州學正

林初甯德人侯汾臨海人鄧鏞豐城人三人皆宏治正德間任邳州學正學優操潔充聘考官稱得士

程阜奉化人正德十三年任邳州學正不苟於職寬而有體周亮長泰人德器宏深學問廣洽陳賦高安人以經明行修稱嘉靖間任俞縉鄱陽人儲弦甯海人馮守中濟甯人俱有學行爲邳州訓導在正德間

魏俊鞏昌人宏治十年爲邳州吏自剛正不阿臨事有斷張祥

宦績傳

同治徐州府志卷第二十一下

二十六

范縣人明敏爲百姓所服王貴萊陽人善決事有快吏之譽王緒邢澤人以平易稱皆邳州吏目之可紀者也

以上邳州

梁孟嶽江西貴溪人永樂七年任宿遷令歷二考賦均訟平貧民婚姻死葬皆有調恤民深德之張瓏山東福山人宏治中任百廢具興政績顯著二人皆祀名宦

甯直滕縣人宣德元年宿遷令持身端謹處事公平尤善決疑獄吏民悅服史珍德化人天順四年任持己嚴而御衆寬尤能作興士類朱光正四川大足人成化十三年任以廉正稱王雄順天人正德九年任刑清政簡庶民樂業

李錦陝西人嘉靖七年任宿遷令剛正廉平積商稅餘銀養士恤民張榮祥符人十年任興學養老政平獄清謝文正湖廣人

知宿遷事純厚不擾民皆悅服

李九功裕州人罷不急之務捐額外之征抑中貴需索減權要賦役魏鐸汝甯守禦千戶所人愷悌慈祥清廉不苟莫抑廣西馬平人廉厚寬仁威惠並著崔元吉歷城人有治才賞罰必當請減夫馬不避權要四人皆嘉靖間宿遷令

宋伯華益都人隆慶二年任宿遷令體恤民隱不尚法律喻文偉南昌人萬曆二年任有深識愛民重土縣治圯於河文偉改建馬陵山下築城隍立學校設義倉勸官舍民歌思之建祠肖像歲時羅拜孫湛滄州人萬曆十二年任廉平明敏不事敲扑聶鉉江西南城人萬曆十八年任文章政事可方古人

何東鳳江西弋陽人萬曆二十二年宿遷令廉明慈惠時縣遷

宦績傳

同治徐州府志卷第二十一下

二十七

二十年城工猶未竣東鳳力完之築捍水長隄六十里振起積

弱招撫流亡條陳民瘼懇惻當理政績最著

知縣何東鳳為酌議民瘼事卑職荷

蒙會調職當求牧與蜀不容立視其死是敢冒昧僭越上陳招徠逃竄之窮民以復故業曲蠲舊逋之錢糧以錫更生清衙門之弊叢復往昔之良法宿遷可次理矣民反病一議設法收糧以杜侵冒夫編審條鞭原為便民今民病宿遷上年稅糧力差向遵賦役成規預造赤歷由民自封投櫃完納是官司易於催徵可絕左右侵冒之弊後自萬曆六年前任喻知縣遷縣之後官更代不常兼連年旱疫及河決之害民罹苦流散逃亡譎遂起歷年以來將印信赤歷藏匿不給花戶由票惟憑櫃頭及管收條鞭書標寫私戶與鄉皂隸拘催而櫃頭里長率多奸猾不係殷實及拘人戶到縣先被各奸索詐不帶見官以致十無一賠民何富實豪民又與衙門人役交接互相影射致累貧戶包賠而窮也請乞天恩軫念民艱將宿遷應徵條鞭銀兩每年於春初令造廠經二本存府備查一本發縣以憑開立各戶花名由票列為限給散花戶刻期自秤自封完納當堂投櫃頭就於五十九里之內點選殷實守法者六人登記赤歷凡遇包賠亦足以杜奸猾侵漁之弊註銀數一懇請蠲停逋欠以救災傷宿遷因河南及西

河兩水衝盪入泗皇陵于萬歷六年議遷宿歸仁隄三十餘里塘攔水視下流諸縣尤為極苦南孝順三鄉獨當諸水衝田故水災且終日狂風揚沙即別鄉間存之麥覆園四里顆粒不收遂致錢糧數千雖查前官追比十七年一起十一年止約欠存錢糧數千雖查前官追比十七年一起十一年止剛抵縣界而窮民沿途哭求各項荒糧尤多彼行乞奄奄惟斃一望賑濟不至殞命官逃力竭心傷何忍復急之於枵腹不殞命官逃力竭心傷何忍復急死以冒昧上陳乞將荒田完錢庶流可移復故業宿荒田完錢庶流可移是難堪只得挈家遠遁乞相免差徭里遞樂地悉無撫難堪只得挈家遠遁乞相免差徭里遞樂地悉無富之思矣雖前告復窮民惟以逃為幸也卑職昨赴任之時沿途復業者數百人皆以逃為幸也卑職昨赴任之時恤外仍刊示諭以復業之民不許豪取宿債除新舊錢糧姑暫停徵俾逃窮民得獲更生之望半死以豁賠宿遷名有五里實因水荒苦逃者比者多而宿遷名有五里實因水荒苦逃者較者多而宿遷名有五里實因水荒苦逃者皆而宿遷名有五里實因水荒苦逃者

官績傳
同治徐州府志卷第二十一下
二十八

沾襟似此責賠丁口將去者無復歸思存者且怨載道上天和安有轉否泰之日乞將存者且怨分文使正身流移者肯待其復業再令返者且怨現存者正身流移者肯待其復業再令返者且怨此一革冗役以省民財查得宿遷力內額銀七兩二錢二分此外又有添設扣壯五等項下歲工銀七兩二錢二分俱係三六及鳳陽五等處無籍外徒包當往逃同是以民受膏分之惠亦救災節省之議也除禁之窩訪以善類今聞宿遷等窩訪徒與家藏之房張騙端令畏懼訪人遷來彼窩情熟先請到小隙之密房張騙端令何敢申言坑陷善莫此為最請嚴禁一議開商稅據本縣民何申言坑陷善莫此為最請嚴禁一議開商稅據本支解近奉明功等告稱本縣軍餉之因致累逃半原申過逃亡人解近奉明功等告稱本縣軍餉之因致累逃半原申過逃二縣加意招撫日有百一十人派丁二千八百六十兩後蒙本縣千餘兩招撫日有百一十人派丁二千八百六十兩後蒙本補子銀及本縣城內查得原額里甲均徭驛貨物應壯四差并續奉

文加減共該銀一萬四千八百七十一兩九錢八分一毫二絲
 五忽五微今審見在六千七百六十三兩六錢三分五厘八分
 止實存銀七千九百六十八兩六錢五分八厘四分
 一實存銀七千九百六十八兩六錢五分八厘四分
 招撫陸續同過三百一十餘斤尚涉兩千餘兩無從派補查
 出水面銀一百零七兩五錢四分八厘五分八厘
 兩異鄉過銀一千五百餘兩及申准各差去銀九百九十七兩
 通共補過銀一千五百餘兩及申准各差去銀九百九十七兩
 可補若再加之見丁則存者復逃者永無歸期今董家溝等
 子湖之船皆係潛由小溝載貨出河而歸其把董家溝等
 竟自取討牙用肥其家許幾錢不皆取以自潤既而納官銀
 五六分不討牙用肥其家許幾錢不皆取以自潤既而納官銀
 額不助民乞俯賜准行量納牙稅以補逃亡民困稍減而賦
 本縣淺夫原額一百四十七名以誠工應今增至二百三十
 名比前多九額一病商之例卑職灼見其可焉一議減淺夫
 銀差以凡入仕山本縣原籍夫廠應付銀二千兩各州縣協濟銀
 六百兩凡入仕山本縣原籍夫廠應付銀二千兩各州縣協濟銀
 起旱動輒用車三錢十兩無輕則打罵人百十餘名不惟一
 時僱募不前抑且錢糧卒然無措則打罵人百十餘名不惟一
 害則各縣水路之幸宿遷獨受此大苦也宿遷二兩近因地正
 供尚然不足焉有此項額外之供雖有額銀二千兩近因地正

官績傳

同治徐州府志卷第二十一下

迭罹重災百姓離城三二里四顧無復人烟舉目令人淚下正
 三鄉水患離城三二里四顧無復人烟舉目令人淚下正
 難應再如此枉道重累民難存乞軫念衝殘急加拯濟
 議減冗役本縣皂隸二十四名兵六名南北察院并正堂佐
 貳門子共六名水二次預備十二倉六錢各減一名歲該工食銀
 七兩二錢共該銀二百七十三兩六錢各減一名歲該工食銀
 一議減新派本縣七奉派海防同知皂隸工食銀二十兩
 除一議減銀朝觀十盤費兩卑縣入觀四錢本縣費銀九十兩
 徵似應裁減以寬民力一減新縣冬應朝見民苦極分毫未
 八十八名因不敷用議增十減新縣冬應朝見民苦極分毫未
 增水夫十四因不敷用議增十減新縣冬應朝見民苦極分毫未
 名悉行裁革

楊舒英四川洪雅人萬歷間宿遷令吏事精敏董則喻光州人
 萬歷間任招流移課農桑得為政大體周鴻圖即墨人泰昌元
 年任才具絕人卒祀名宦

劉璋莆田人彭廷瑞湖廣人陳訥都昌人皆嘉靖間宿遷教諭

有學識和以敷訓學者多忻慕焉

林德廣侯官人萬厯間宿遷教諭高邁有氣節又有陳鳴鳳永嘉人任訓導學問宏碩儒雅為一時最張相陵縣人高嵩江西高安人張健廣東高要人皆以嘉靖間任宿遷訓導行己端厚士林稱之

方鐸石首人元末任宿遷丞鼎革後百務廢弛鐸一一振興之利國便民者輒舉行之卒祀名宦

孟芳歸安人胡柱甯鄉人唐從訓全州人皆為宿遷丞多能績石崑白水人龔森餘姚人白居易山西清澗人張繩直江西宜春人皆宿遷主簿實心能任事持身不苟森有德政碑祀名宦古道行字達可揚州人崇禎末年任宿遷護漕叅將流寇袁時

官績傳

同治徐州府志卷第二十一下

三十

中寇宿遷道行與戰凌城廟賊衆五千人圍之道行奮勇衝突

與協鎮副總兵戴國柱力戰死

明史可法祭古叅將文維崇禎十四年歲次辛己孟冬癸卯朔

越九日辛亥欽差總督漕運提督軍務巡撫鳳陽等處地方兼理海防戶部右侍郎兼都察院右僉都御史可法謹以剛鬣柔毛庶品之儀致祭達可叅將之靈曰嗚呼宿遷為南北之漕河一線係國家大命干城重寄當事難之將軍以才勇膺簡任其初至也創營壘招精勇制火器造兵船無不井井而足馬所到雖聚嘯千百望旗而靡宿人倚將軍為長城幾于外戶不閉今歲漕粟百萬帆直達繫誰之功子不佞以督漕至河上見將軍忠義慷慨勃火照河干可歷歷而數予進軍士大寇深入宿之西鄉烽火聞某至輒走向為某所殺縛商之將軍曰是無難此蠹爾輩聞某至輒走向為某所殺縛所解散不知凡幾某且為大人渡河平之戒以兵寡宜持重須暗襲而將軍慨然曰予馳驅邊腹二十年從來不愛錢不懼死若應死即待罪薊鎮子路足死矣死亦安可避今苟無餘帛困無餘粟房無片瓦隻木貧則貧矣而有子三長者讀儒書入膠庠今試且高等某即報國亦何恨焉予聞之為之感動竊以為將軍懷此志何賊不可殺何功不可成孰知相哉對數語竟為將軍殺身之識也竟成將軍殉國之志也嗚呼

有勸之突圍者將軍曰此即我輩死所耳他何往少頃賊益四
面集又諭部曲曰爾等不得走即走我以臣子當以死報朝廷爾
何爲也士卒咸感泣無不願隨將軍死嗚呼哉將軍有勸
于宿聞報之日無論士與民莫不爲將軍慟即予亦安得不慟
既而思將軍所不言捐軀報國者竟報矣家雖貧有令子殺
身成仁將軍之才以盡蕩妖氛致國家失干城之寄予安得不慟
深今日之事又奉予令而往殺身成仁將軍固無憾予不能大
展耶將軍之往矣將軍之子致國家失干城之寄予安得不慟且
也旦夕蒙恩恤邀世廕繩子之克纘忠勲將軍成全之予之責
哀哉尚饗呼

案舊志崇禎十五年十二月袁賊東犯鳳皖至睢甯將古
道行總兵戴國柱戰死凌城廟舊宿志崇禎九年古公住宿
遷護漕參將戴公戰死而史閣部祭古公于十四年十月俱于
是年九月與袁賊戰死而史閣部祭古公于十四年十月俱于
月俱不相符宿志蓋承上之九年而誤其月則與祭文合
又周承熙妻蔡氏傳舊志謂承熙明末從征事亦無征賊事則
季征賊陣亡攷明末袁賊之外別無從征事亦無征賊事則
承熙之死爲征袁賊與古戴二公同死可據又俗傳袁賊犯
之境時從征有武舉張姓者亦陷賊中遇其故佃爲賊頭目謂
之曰此陣已成君等必死此矣導之從生門出事雖無他據
而流傳既久亦可知當日從征者不一其人而周承熙死于
賊之一証也宿志年月多誤又不載周承熙之死且恐有疑
其不死于袁賊者故
附辨于此以上宿遷

官績傳 同治徐州府志卷第二十一下 三十一

何皞公安人任睢甯令治有異政蝗不入境甘雨瑞麥疊見邑
人建瑞麥碑亭祀名宦

陳嘉畧貴州安莊衛人任睢甯令六載愛民節用撫恤流移睢
故土城嘉畧斃以磚石比去百姓攀轅不忍舍申其學日照人
任睢甯令河決後城池官舍蕩然無存其學創建城署築護城
隄八百五十餘丈設立官莊給民牛種墾荒地萬一千四百三
頃有奇逃亡者漸歸修學宮建社學設橋梁鉅細畢舉政化大
行二人皆祀名宦

邢清濟陽人爲睢甯令持身清謹積粟萬餘斛以活民劉景沂

長清人爲政廉平振舉廢墜喬鎮遵化人莅睢三年不聽近習不畏強禦被誣罷去

黃益純福建永安人爲睢甯令時派睢協濟邳州名曰坐廠罹此差者輒破家益純白當道奏免其役歲止解銀民甚便之魯佶湖廣景陵人任睢甯令值大水偪隄佶守禦完固復加築隄高至一丈三尺頂寬一丈嗣後水不爲患民思其德稱魯公隄林翹楚福建莆田人爲睢甯令捐俸置學田百二十畝是皆有心於爲民者

高岐鳳涼州人崇禎九年流寇犯睢甯焚戮殆盡存者不過數十家岐鳳以十年之官撫綏安集築城練兵民賴以安有小袁營數萬衆駐找溝集蹂躪萬狀時岐鳳已去聞報卽偕總兵劉

官績傳

同治徐州府志卷第二十一下

三十二

良佐到睢親冒矢石破逐之蕭賊程肖宇恣屠戮直偪徐州城下誠其徒不許犯睢境岐鳳獨率軍搗其巢愛民養士有瑞麥五歧之應祀名宦

林德乾莆田人顏希烈安福人持己嚴教士有法黃廷敕番禺人才學優裕佐令纂修邑志皆睢甯教諭也有訓導陳魁福松谿人以易學授諸生

邳紳浙江龍泉人金聲大嵩衛人皆正德間任睢甯主簿二人以劉寇屢破睢城相繼捍禦陣亡祀忠臣祠

袁浩睢甯典史正德七年與主簿金聲禦賊陣亡祀忠臣祠朱世隆杭州人敏達善禦變崇禎十二年袁賊犯睢境世隆拒守

有勞

以上
睢甯

國朝

陳嘉允東平人王惟屏陝右人張雲翼淮陽人皆順治間以戶部郎中管徐倉爲政清簡惠商恤民顧大申華亭人工部主事分司夏鎮河道廉幹有才

康基田山西興縣人乾隆間任徐道捐修府城疏通溝瀆改建雲龍書院增齋舍作勸學箴親爲講授士民感澤立祠書院祀之

鼇圖鑲紅旗漢軍于氏由太倉州調徐督催引河發災賑嚴戒侵冒窮民咸沾實惠旋授徐州府擢徐州道葺祠廟增書院膏火遇河水異漲搶護勤勸士民設位四賢祠祀之

王夢齡字雨山大興人咸豐元年由蘇州守遷徐州道會粵賊

宦績傳

同治徐州府志卷第二十一下

三十三

渡河北擾徐當其衝捻逆復張甚往來劫掠無虛歲夢齡創集團練就隄築長圩俾民知守禦擴堅壁清野之法下屬邑仿行之聞警輒身先士卒指麾截殺遇風雨猶登陴不少休在徐十年講戰守甚備募兵徵餉蔽遮兩淮徐州獲全夢齡之力也旋擢江甯布政使署漕河總督卒民思其德列勛上聞

詔許建專祠徐州並祀名宦

時有太湖嚴良珏佐夢齡守禦倡立諸善舉加道銜以積勞卒

朱善張字山泉平湖人同治元年授淮徐揚海道屬捻逆倣擾善張撫馭有勞山東流民與沛民爭田擊殺數十人洵洵幾致亂善張率兵捕斬疽發於腰卒於沛館贈都御史入祀鄉賢高梯字雲浦彭澤人咸豐初舉孝廉以軍功擢官同治六年授徐海道梯廉正勤苦志趣堅卓約束官吏人不敢干以私在徐

二載修水利課紡績捨巨盜鋤豪強設書院置義地勤察民隱
實事求是故俗役夫舁棺必視買棺之數而索其值少靳則鬩
然散去喪家多不得葬梯聞大怒勒碑嚴禁其風頓革時寇難
初平輕滑游勇往往煽亂梯綏戢有方四境靖謐以勞卒徐人
懷之贈光祿卿祀名宦

江雁卿江西新城人康熙八年知徐州約己率民不事刑扑州
舊有版荒地四千七百餘頃丁糧未除久爲民困雁卿力請免
之卒官無一錢州人爲具棺殮祀名宦

孫枝蕃陝西三原人康熙十二年知徐州河溢出私財募夫築
石隄護城徐民夙苦協濟夫役力請免之滇閩變作官軍多道
於徐枝蕃竭力供億公帑不足繼以假貸不一擾民間坐逋負

宦績傳

同治徐州府志卷第二十一下

三十四

憂勞卒祀名宦

佟國弼奉天人康熙三十九年知徐州值歲饑力請蠲賑發常
平倉麥二千餘石貸民間明年又饑民不能盡償國弼代償之
復出私錢築隄捍水患歲得有秋貧戶生子多不舉乃捐貲立
育嬰堂募乳媪哺養全活頗衆卒官無以殮人皆爲痛哭祀名
宦

孫詔武威人雍正二年知徐州築州城治匪類禁淫祀以正風
俗爲己任姜焯昌邑人牧徐州多善政徐人追思不置云

石杰桐鄉人雍正間爲徐州牧精明渾厚澄敘官方是時徐州
始改府杰由邳州擢守莊亨陽南靖人精於理學循循誨人性
溫厚然內實朗澈人自不敢欺

邵大業大興人有文學歷任皆以清廉著知徐州府捐廉築蘇隄浚荆山橋河以資溉灌振興文教暇則集諸生童講說易春秋大義王兆棠錢塘人守徐州爲政多惠愛值大水晝夜巡視脫冠服塞滲漏隄得不潰宋觀光四川營山縣人乾隆五十一年守徐州歲大饑斗麥千錢觀光急請賑發米平糶設場五處親爲巡察禁胥吏侵勒全活萬人田自福守徐州矢心公平人不敢欺

松齡正紅旗人守徐州徐郡素苦飛料詳請裁免民困頓息伊楞額鑲藍旗人值歲饑捐廉賑濟分設粥場飭營伍嚴而有制飢民數萬不敢攘奪全郡以安

俞穎達字鳳臺山陰人任徐州府三年清慎明決平豐邑段氏

宦績傳

同治徐州府志卷第二十一下

三十五

冤獄立致澍雨疏濬奎河荆山橋河郡中水害以息設義學修橋梁與士民言必以忠孝安分爲勗以憂去徐人泣戀不已卒立祠祀之

高攀桂陝西澄城人任銅山時歲饑爲民請賑躬自按給絕胥吏侵漁全活甚衆疏濬荆山橋藺家山河以蘇民困虛心鞠獄用心仁恕不牽連平人士民至今猶尸祝云

伍承平金陵舉人咸豐六年署徐州教授復攝邑訓導課士取人必秉公慎值捻逆交鬪奉檄辦團練圩砦及守城捐餉實事求是任勞怨不避艱險以功擢直隸州知州加知府銜積勞疾卒臨終遺書達上臺處分防剿要務贈太僕寺卿銜

裘安邦字古愚會稽人由武甲科道光初兩授徐州鎮慈祥廉

儉練兵修柵詰奸宄護行旅歲出俸金六百濟棉衣貧民復籌費二千緡建義學五所月朔親爲讀法講畫嘗行市中遇一婦虐其姑立捕撻之幾斃闔郡稱快愛民若子弟懇款無己徐人頌德弗衰卒立祠祀之

滕家勝字謹亭湖南鳳凰廳人咸豐間授徐州鎮善用兵忠義

憤激徐方倚賴之臨陣戰歿

以上
銅山

祖永勲遼東甯遠人順治五年任蕭縣縣值寇亂後數十里無人烟永勲斬荆除棘招徠流亡來歸者日衆旣一二年乃興學校定賦役輯邑乘百務具舉蕭人戴之如父母

趙忠仔浙江東陽人順治十七年知蕭縣莅事嚴明人不敢欺丁糧弊端釐剔至盡善折獄摘伏如神公餘引諸生論文藝軍

宦績傳

同治徐州府志卷第二十一下

二十六

務旁午不廢吟咏而事亦集以罣誤去蕭人戚焉

邵瑗順天大興人康熙十八年知蕭縣縣洊饑請蠲賑全活甚衆軍興供億多出私橐不肯累民十九年春邑西盜發瑗聞卽率衆往捕其魁餘黨遁散

閻允吉直隸盧龍人康熙二十年任蕭令時沛縣夏鎮聞夫繆夫每令鄰邑協貼科歛無旣允吉白上臺罷之又漕弊多端民不勝累允吉剔除積習民困乃蘇

紀遴宜直隸文安人康熙甲戌進士三十八年任蕭令興利除弊愛民若子比去士民攀轅遮道送者絡繹數里遴宜贈別詩有十年冰雪一郎官之句邑人屬和成編名龍城贈言集

張倬山東濟陽人乾隆二十九年任蕭令勤慎廉直有幹濟才

日端居署齋而民隱無不洞知奸宄斂跡邑有驚吏多不法倬發其隱吏懾服自此無敢橫行者時有河工歲料計畝攤派廳吏浮收加數倍民苦之倬親至料廠督察稽收嗣後無浮勒民深感焉大府重其才守調任上元

徐振甲浙江德清人乾隆三十四年由江甯丞擢署蕭縣外明察而內慈祥判決無滯僅半載合境頌神君振甲子端後官徐州兵備道振甲就養卒於署蕭父老持雞酒哭奠者以千數其遺澤感人如此

謝宣雲南楚雄人乾隆三十四年任蕭令善聽訟獄至輒斷決無踰十日者政尚嚴肅奸宄匿跡去之日貧無資斧士民感歎醵錢贈之以行

宦績傳

同治徐州府志卷第二十一下

三十七

張紹祖河南原武人由舉人凡三知蕭縣公正廉明其再任也邑值灾侵饑民相鬩紹祖寬猛並濟四境帖然民逋賦至三萬金有奇紹祖閔之出家資代納之士民感泣

陳觀國浙江海甯人嘉慶五年任蕭令政尚簡靜不事操切而吏畏民懷百事俱集大河漫溢觀國晝夜防堵又捐貲數千金急募民夫增築子堰藁楫畚鍤躬自巡閱瀕河黎庶再慶更生皆其力也尤能作人興化兩造爭訟恒婉諭之使和解而去暇則集諸生講論經藝合邑稱慈父母云

趙毓丹雲南鶴慶州舉人道光十二年令蕭值大饑盜魁李大朋聚衆劫奪民畏之如虎毓丹衣短後衣跨馬腰劔會營弁率卒徒直搗其穴生擒大朋及其黨四十五人復單騎馳東鄉捕

斬巨盜孫平清奸宄屏息於是請粟勸賑全活無算既又疏濬
岱山湖農商大慰毓丹堅苦講求實用平生服膺湯文正公清
操冠一時百姓樹旗表德三十六所云

夏衡陽建平人剛方正直訓蕭凡八年諸生薰而善良者指不
勝屈徐基嘉定人爲蕭訓導教諸生分齋課藝不拘故常偶以
微言啟發令聞者神會諸生以比歐陽安耿介姚應龍

胡溶鎮洋人蕭教諭立品卓卓不可屈撓訓課勸學藹然以和
氣接人黃裳長洲人蕭訓導勵諸生以敢行爲先循循善誘一
時成材者甚衆

朱名世遼東人順治三年除蕭主簿樸誠勤慎不避勞瘁時邑
罹兵燹名世闢荒蕪護隄堰巡視畝畝遍察郊衢俞應貴金華

宦績傳

同治徐州府志卷第二十一下

三十八

人順治十八年授蕭主簿多才略勇於任事黃河泛濫築黃家
口隄工又補築長縷二隄拮据終歲民賴以甯歷任十一年注
上上考

羅景芳漢軍鑲紅旗人順治三年改碭營爲蕭營守備景芳始
授是職移駐城中老練誠實捍衛孤城士民樂服郭大乾京衛
人任蕭營守備軍律嚴明民服兵畏

以上
蕭縣

李允正德州人順治二年任豐縣攝碭山事有頑民煽亂首惡
已就擒鎮將欲窮治寇黨允正一夕爲十數書痛切陳請願以
身家保之事乃寢撫綏招徠逃亡皆復業明年代者至百姓攀
轅泣送聲聞數十里卒祀名宦

張楚材宣化府人知碭山縣強幹精明案無畱牘有朱生因誣

陷父子俱除名楚材爲雪其冤復之魯國甯紹興人培土風恤民隱未幾調任去

楊維庚甯海人令碭山持已清正讞獄必詳慎假以和顏使民各抒其情有進賄關白者必嚴拒之不染一塵修朝彬萊陽人知碭山歲歉饑民嘯聚借糧居民恟懼朝彬執法峻厲盜黍一束者卽嚴懲之一邑安堵二人皆隸籍山東用法異而同歸於治

黃大均貴筑縣人任碭山令事母純孝治民以德教遇訟者先以孝順父母委曲譬喻乃聽獄情民多感化馬汝寬唐縣人知碭山縣聽訟詳切不輕責人有慈愛之頌牟朝宜日照人知碭山縣開水利築堞堰屢慶有年郭造福清人有惠政民立去思

宦績傳

同治徐州府志卷第二十一下

三十九

碑

王發桂正定縣人署碭山令性仁慈不輕加人罪督催工料牛車泥淖不能進發桂善言撫恤時時爲之隕涕民踴躍赴事比工竣未嘗扑及一人梅雲程江西南城人賑饑詳慎疏濬溝渠以達水勢不憚勤瘁

吳鼎位嘉定人任碭山教諭崇尚實學署邑篆數月有惠政士民感德立碑學宮團昇儀徵人爲教諭風流儒雅學者宗之章烜丹徒人任碭山訓導和正有文學誨人以誠移病歸諸生

惘惘多泣下

以上碭山

閻昭太原人順治三年知豐縣慈祥樂易興利除弊革諸陋規時逋寇侵掠昭出貲築土城不以擾民民德之爲建生祠且輸

祀田若干畝，罔固卻之，因用爲義學，以其田贍養生徒。佟吉年奉天人令豐比善政，舊有里老之役，重爲民累。吉年毅然除之，民爲建祠。孫毓璘奉天人豐令弭盜除奸，立義館清賦，法築縷隄，置義塚，實事求是。去後，士民爲建祠立碑。盧世德奉天人，康熙三十九年知豐縣，先是夏鎮開夫取之，各縣屬豐縣者皆鎮人代役，要索無厭。世德令計工予直，自是不敢多求。前令匿灾稱豐地如鋤背水，不能爲患。後雖以水告，上官多不聽。民皆怨忿，世德力爲申明，遇水灾捐貲施粥，不待符下，輒開倉平糶，復請撥他縣倉助之，全活者三萬餘人。去之日，邑人追送境上，擁馬不得行。

張志周字蓮渠，密縣人，初署邳州，咸豐初兩任豐令，撫綏饑民。

宦績傳

同治徐州府志卷第二十一下

四十

築堰禦水，宅心仁恕，善決訟，以禮化悍俗。粵賊結筏渡河，猝抵城下，志周集民兵固守，糧器俱盡，益不支。城陷，志周急歸取印，懷之賊踵至，遂投水死。僕蘇福、徐錦、李晏皆被戕。

馮調鼎，豐教諭，咸豐四年粵逆陷城，率家屬赴水死。

高青選，豐教諭，咸豐八年捻逆陷城，青選大罵被拷，不屈遇害。楊璟，巴縣人，謝昌運定遠人，皆爲豐邑司訓，遇寇變能勤事。陳燹，善造士，倡修學宮。

顧言，丹徒人，孫曰繩，宣城人，嵇宗禹，安東人，孫超，六合人，吳昉，桐城人，皆爲豐邑司訓，端嚴有守，言祀名宦。

江能容，海州人，施燮，長洲人，江學佐，歙人，黃師晟，六安人，顧賔，王嘉定人，喬守愿，寶應人，風雅和厚，豐庠皆樂其教。

柴雲縉紹興人任豐縣主簿順治六年榆賊千騎突攻南門雲縉堅守無譁半夜擊五鼓以誤之賊近城忽發三砲賊大驚奔潰城獲全董國祚順天人順治間任豐主簿時豐沛初附國祚盡力安撫去之日父老泣送杜華然陝西人豐主簿坦心質行政事廉平何中覲紹興人爲豐主簿淡泊有清操人稱爲衙官僅見者

施積福紹興人咸豐四年任豐縣典史粵賊破城率子傲仗劍守獄門俱被害

王九齡爲豐汛千總咸豐八年捻匪入境登陴守禦不少懈城陷出城迎戰殺賊多人力竭死之

唐俊德任豐縣把總二十餘年兵民多受其惠歷捕蝗蝻不憚

官績傳

同治徐州府志卷第二十一下

四十一

勞瘁愛護民田不啻己產歲荒監賑公勤忘私邑有去思

以上豐縣

趙世禎字興公開原人順治七年知沛縣沛志失載政績豐志云世禎以順治壬辰兼攝豐事政尙簡易舊例有收糧大戶每一僉報輒數十家繹騷不甯世禎悉裁之民皆稱慶

郭維新宛平人順治十一年知沛縣豐志云維新以沛令署豐性聰敏長於吏治發奸摘伏朗如鑒照未幾擢去

方曰璉建安人康熙二十九年知沛縣自奉儉約絕賄賂雅意作人

楊宏績正黃旗人康熙三十九年知沛縣有吏才善剖斷時縣連年大水宏績力請蠲賑全活甚衆

聖祖南巡閱河前後四經沛境役夫數千宏績捐貲日給口糧

民皆樂從在任八年修邑志建義學善政甚多坐催科不力罷
總督阿山復題授丹陽知縣臨行民涕泣以送

沈瑞鶴葉縣人康熙五十三年知沛縣乙未丙申再遇水灾瑞
鶴竭力撫綏居二載以憂去人皆歎惜

施霈宛平人雍正九年知沛縣初雍正五年河決護城隄民奔
避無所八年水又至民益恐霈至即集邑中士庶議築凡兩月
而成今賴其保障

陳麟乾隆四十六年任沛令時青龍岡決河漫水淹沒沛城麟
死之南河成案

雲茂琦廣東文昌縣人由進士知沛縣多善政去後人益思之
祀名宦鄉賢

宦績傳

同治徐州府志卷第二十一下

四十二

丁炅字煦谷河南永城人副榜署沛縣知縣時咸豐七年流民
被水初復山東客民雜居爭地界焚掠洶洶而皖逆由銅蕭入
邑境炅撫良鋤暴督民團嚴守湖口要隘賊不得逞姦宄亦斂
跡既而巡緝劫盜遇盜燕家集力戰不敵勇丁皆潰散炅厲聲
罵被害 賜卹如例

許邦行河南魯山舉人同治初署沛縣時值山東團民墾種沛
地劫殺劉莊砦居民邦行欲往驗吏民阻之不從幾至不測乃
申文請兵偕總鎮會剿團民糾衆來拒邦行匹馬厲士擊退之
盡復所占之地民甚德之以上沛縣

李成棟遼東人順治十年知邳州事有惠政州人至今思之杭
如蘇東昌人順治十三年知邳州事廉潔仁慈有儒吏風孫家

棟安邱人康熙九年知邳州事性清介在官常蔬食自給
黃日煥永定人康熙二十二年知邳州事性清苦耐勞二十四
年水大至日煥訴諸大吏情詞剴切大吏據以入告蠲免賑濟
皆其力也以呈議去初城圯於水議遷治艾山之陽日煥實始
經營之而終於孫居湜云居湜大興人二十六年任明年以鳳
麥後期呈誤屬

大駕南巡州人相率以牧有四德上疏籲留既復以盜被劾州
人再列狀上大吏奏復其官在州七年甚有德於邳

呂大雅正紅旗人雍正六年任邳州建常平倉支本固大同人
乾隆六年任嘗修新城金秉祚當陽人十二年任賑濟盡力皆
有聲

宦績傳

同治徐州府志卷第二十一下

四十三

丁觀堂宛平人嘉慶十二年任邳州觀堂在州久善達人情好
營造建置民不苦罷役父老云丁侯之操履無卓卓可稱者然
至今思之未有能及之者也王鳳翥二十三年署邳州興學愛
士馬紹援章邱人二十四年任以廉稱胡晉二十四年署有風
力杜絕請謁衛哲治知邳州盡出賑贏設棲流所以贍窮民全
活無算

謝肇瀛道光四年署九年復署州人曰肇瀛疾惡如仇人亦不
怨也李正鼎吉水人七年任公正有度黃耀明宜賓人十年署
嘗修學宮屬沂水大漲興築堰工有勞保先烈昆明人十六年
任人稱廉明

劉同纓甯都州人再署邳州同纓廉而不劇寬而有體卓然不

可千以情勢董用威宛平人再任邳州和易有禮喜愠不形於色姚維城安福人道光二十八年署邳州能以勞勤民州人稱之

蘇崑大興人高承爵遼陽人皆康熙間邳州河務同知精力於職承爵監賑絕侵冒民懷其惠

王廷彥錢塘人嚴煊仁和人朱楹長興人馬光瀛吉林人萬醅南昌人顏爾懋連平州人金漢天津人黃欽鄴湘陰人蔡允壽歷城人皆嘗助修舊城學宮捐建書院備膏火邳士愛之楹遇歲歉施粥又積穀以恤兵俱嘉慶道光間邳北通判也

言啟方江蘇陽湖舉人道光間任邳州學正治經能文章著書數十卷爲葬殤說合葬答問以勵邳俗云

以上邳州

宦績傳

同治徐州府志卷第二十一下

四十四

焦文華趙州人順治九年任宿遷令端方廉幹嚴以御左右吏不敢欺周祚永西安人十一年任招流移墾荒瘠用制斛收米麥革除陋弊祀名宦

王如春金華人順治十三年任宿遷令綜覈明敏賦役起派親爲科算不假吏權諸弊盡除鄭應兆金華人十七年任仁厚不喜苛察奉臺檄列逋賦紳士名應兆獨不肯具報曰我安忍以數百人身名博一官哉竟以此去李燦遼東人十三年任沈毅有經濟畧力請蠲賑招集流凶刑清政簡民懷德焉

胡宗鼎永城人康熙三年任宿遷令才識精敏籲陳灾傷建白

多惠愛

知縣胡宗鼎爲仰乞憲裁急救殘黎事宿遷爲淮屬極疲之邑乃江北首衝之區土最瘠而民最窮卑職入境

至孝二孝三等鄉但見滿目衰草黃沙一望並無熟地亦少人烟間有茅屋數椽竟無雞犬之聲并無耕作之影止有十數鵠

知宿七加二北初兩今各前早派代隅玉泗斗頃睢亟四	所邑萬徵十各派零宿憲任洵憩米之土等二止均請	措止餘一五屬每若邑詳酌曾田批可也非轉一粟淮	况派頃萬八九共編九地區將地示甦哀王運倍米屬	宿六之千千千派有練一地千乃畫練荒蕪便而府邳難數	邑千地千千有奇餉分畝四依藩司詳請照晉逃散錢苦從銀糧難瞞憲鑒	為五派餘兩議七派六千四四餉地省萬一兩千六百飭行在	荒百以兩除議七派八千四四餉地省萬一兩千六百飭行在	殘餘萬北江甯加徵五萬九千餘兩錢八分矣仍	之兩五止甯加徵五萬九千餘兩錢八分矣仍	區今千千甯加徵五萬九千餘兩錢八分矣仍	災多千千甯加徵五萬九千餘兩錢八分矣仍	疲派二兩之萬五萬九千餘兩錢八分矣仍	之千千之萬五萬九千餘兩錢八分矣仍	錢一餉每千九千餘兩錢八分矣仍	糧百餘頃兩派以江安欠	減餘兩派以江安欠	一分百姓皇舉手	便姓皇舉手	有皇舉手	舉皇舉手	手莫分十	
面鳩形者環道而迎馬而泣某等不幸而生斯土也	捨去終不為溝壑之鬼矣卑職聞之涕淚俱見心酸惟好	言撫慰及苳任後閱視各鄉里可頂戶當差不則凋查	額編五墟卑縣初見之不勝乃今思之不勝然至查	半屬邱墟卑縣初見之不勝乃今思之不勝然至查	錢糧逋欠苦節宿積多萬以現不勝乃今思之不勝然至查	熟包荒之欠苦節宿積多萬以現不勝乃今思之不勝然至查	困兼漕米較之宿積多萬以現不勝乃今思之不勝然至查	得不連欠卑縣今叨民獨多與宿有痛癢相關甯得坐視斯民之疾	苦而不一查本縣仰乞憲臺救黎於水火之中全衝順邑疲廢	之年際水泛漲連滄原額糧地高積八流沙窪任者衝為湖蕩有	地失額二千六百七十畝前窪任者衝為湖蕩有	詳報未蒙題仍照近因賦役繁重里甲逃亡田荒可憐災	而每本正錢糧尚且難完矣伏候憲裁一查本日縣額丁銀三	民每本正錢糧尚且難完矣伏候憲裁一查本日縣額丁銀三	屬拖欠究無益于國儲矣伏候憲裁一查本日縣額丁銀三	九百四十兩順治九年清審戶口因額不敷搜括頂補以	戶編丁銀兩包賠苦錢重見逃亡前額不敷搜括頂補以	銀一千二百五十八兩九錢二分	職今查前任呂知縣遵奉審編合老幼丁銀二千三百六十	官績傳	同治徐州府志卷第二十一下	四十五

加額之慶多一分即有疾首蹙額之悲乃今宿邑除完解五千
兩外節奉提催未完銀三千六百餘兩較之照實為公
私兩釐之數俱不臺或照每畝減八釐三毫起派或照
一分起派或為蝗蝻肆殘子無生事宿邑額編五十九里止
以早結矣又為蝗蝻肆殘子無生事宿邑額編五十九里止
存三十餘里其餘盡屬逃亡地荒蕪一望荒草黃沙化離情
形觸目難堪卑職設法招徠僅有二三期二麥將收天不我
汜可小康穀穡卑職親往查勘但見遮天蔽地禾稼盡斃
蝗蝻害我稼穡卑職親往查勘但見遮天蔽地禾稼盡斃
不盡驅之復來麥食其實豆食其葉黍稷粟梁盡斃其棍卑
目擊而涕流心傷而嘔血泣思宿邑土瘠地衝差繁食棍卑
豐收尚難存活乃今蝗災突起民不聊生甫集哀鴻將又冥
天外不難正供雜差無從出辦而彈丸疲邑立為邱墟因卑
縣溺職致降天災然修省有心補救無策乞憲臺軫念節
繪鄭俠之圖亟上請蠲之疏又為蝗害未除水災踵念節
救民命事宿邑土瘠民窮差繁賦重又彼蒼不祐當二麥告
之候蝗蝻陡起截食一空禾黍難回六月霖雨連綿浹旬不
卑職不勝切怛詎卑職天譴難回六月霖雨連綿浹旬不
止西河黃流陡發北泗漲沸騰二水交匯一派汪洋盧舍衝
類田地今歲之秋以待來年之夏荒朔甚長夫一年一事已絕
望計自今歲之秋以待來年之夏荒朔甚長夫一年一事已絕

官績傳

同治徐州府志卷第二十一下

則饑甯能枵腹終歲乎况新舊錢糧無項不緊民命皇皇無措
卑職惴惴難安惟冀憲臺軫念兩災疊見事出異常速行查勘
亟賜題請則宿邑災
民或可少留子遺矣

尚登岸京山人康熙十七年任宿遷令邑罹河患土荒民流繪

圖申請逋賦分年帶徵又改徵稻為粟米民深賴之指其憩息

處曰惠政菴趙良臣遼東錦縣人十九年任慈惠廉明恤民養

士有官清民自安之頌

胡三俊餘姚人康熙三十五年任宿遷令慈惠不尚苛察預買

漕粟為貧困者墊兌而緩其償浚僮河故道捐借口糧數百石

隄車路口泛溢之地數十里民田賴以耕穫久之民情契洽每

當量移輒泣籲大吏請畱凡任二十五年前此未有也後六十

年有謝宣者乾隆間任宿遷令勸農興學引經斷獄不尚刑名

有屬吏懷金求直其寃者久之不敢獻事平反矣乃以金還其人曰公以廉潔自持吾不忍污其名也其感人如此後移蕭令其里貫事蹟見前傳

李巽臣金壇人通敏博學章得簡蕭縣人陳重蕃當塗人胡兆麟江浦人皆能持身端嚴課士有法俱宿遷司訓

以上宿遷

殷岳雞澤人爲睢甯令

國初軍需迫急岳治事敏決不繁修建學宮獎士課文藝聽訟明用法剛斷豪強斂跡卒祀名宦

石之玫陝西甘泉人爲睢甯令請罷額外科地四千餘頃又邳州險工橫派睢甯協夫料之致力爭河院拒之郭允屏陝西高陵人安靜不擾二人皆以催科不及去任人多惜之

宦績傳

同治徐州府志卷第二十一下

四十七

謝乃實山東福山人令睢甯勸課農功省雜派設十戶滾單法疲頑者亦勇於輸納葺學宮課文童若嚴師然段仔文四川簡州人令睢甯爲政平易近人而方正不苟

王相呂泰州人睢甯教諭李之實延慶州人睢甯訓導順治十年膠賊陷城皆抗義不屈被害

張其仁韓城人爲睢甯縣丞分理河務十三年勤勞盡職伏秋水漲督率守險常露宿野處終任無河患不擅受民間一詞卽奉上批發必秉公審理賢聲甚著

宋文耀直隸東安人黃應登直隸通州人俱爲睢甯主簿時河員不多設專以主簿管理而令總其成二人有才幹練達河務

以勤敏著績

以上睢甯

宦績附錄

伏隆字伯文琅邪東武人建武二年張步兄弟各擁強兵據有齊地拜隆爲大中大夫持節使青徐二州招降郡國青徐羣盜得檄惶怖獲索賊右師郎等六校卽時皆降後爲張步所執不

屈死

後漢書伏湛傳

張純字伯仁杜陵人建武五年拜大中大夫使將潁川突騎安

集荆徐揚部

後漢書本傳

張宗字諸君魯陽人建武十六年琅邪北海盜賊復起宗督二郡兵討之廼設方畧明購賞皆悉破散於是沛楚東海臨淮羣賊懼其威武相捕斬者數千人青徐震慄

後漢書張宗傳

欒巴字叔元魏郡內黃人漢安初以光祿大夫與杜喬等八使

宦績附錄

同治徐州府志卷第二十一下

四十八

循行州郡觀省風俗也使徐州

後漢書本傳

趙昱琅邪人徐方名士黃巾作亂陸梁五郡郡縣發兵以爲先辦徐州刺史巴祇表功第一當受遷賞昱深以爲恥委官還家徐州牧陶謙初辟別駕從事辭疾遜遁謙重令揚州從事會稽

吳範宣旨昱守意不移欲威以刑罰然後乃起

三國志陶謙傳注引謝承漢書

關東兵起東海王朗爲謙治中與昱等說謙曰春秋之義求諸侯莫如勤王今天子越在西京宜遣使奉承王命謙乃遣昱奉章至長安天子嘉其意拜謙安東將軍以昱爲廣陵太守

王朗傳

是時徐州百姓殷盛穀米豐贍流民多歸之而謙背道任情昱以忠直見疎由是徐州漸亂後賊笮融從淮見討进入郡界昱將兵拒戰敗績見害

陶謙傳引謝承書

蔡裔字元子兗州刺史殷浩北伐使裔率衆出彭城卒於軍

晉書

蔡豹傳

謝靈運義熙末以黃門侍郎奉使慰勞劉裕於彭城

晉書本傳

褚裒字季野河南陽翟人穆帝初拜征北大將軍遣將伐沛獲

僞相支重降二千餘人石虎死裒表請大舉拜征討大都督督

青揚徐兗豫五州軍事率衆三萬進次彭城河朔士庶歸降日

衆哀皆撫納甚得其歡心

晉書本傳

謝元字幼度陳郡陽夏人太元初授兗州刺史監江北諸軍事

三年救戴逯於彭城敗秦師加領徐州刺史八年授都督徐兗

青諸州軍事大敗苻堅於淝水九年詔元經畧舊都率衆次彭

城堰呂梁水以利漕運公私利便

晉書本傳

官績附錄

同治徐州府志卷第二十一下

四十九

田泓不知何許人爲兗州刺史謝元部曲將元帥衆萬餘救彭

城軍於泗口欲遣間使報戴逯而不可得泓請沒水潛行趣彭

城元遣之爲秦人所得厚賂之使云南軍已敗泓僞許之旣而

告城中曰南軍垂至勉之秦人殺之

晉書謝元傳

劉義欣封長沙王元嘉初南兗州刺史七年到彥之率大衆伐

魏義欣進次彭城爲衆軍聲援彥之敗退青齊騷擾將佐慮寇

大至勸義欣委鎮還都義欣堅志不動遷豫州刺史

宋書劉道憐傳

王歆之元嘉三年以撫軍參軍使徐州周行郡邑觀察吏治訪

求民隱

宋書裴松之傳

周山圖字季寂義興義鄉人泰始初爲殿中將軍張永征薛安

都於彭城山圖領二千人迎運至武原爲虜騎所追合戰多所

殺傷虜圍轉急山圖據城自固然後更結陳死戰突圍出虜披靡不能禁衆稱其勇呼爲武原將及永軍大敗山圖收散卒得千餘人守下邳城還除直閣將軍

南齊書本傳

張惠紹號令嚴明所至獨克軍于下邳下邳人多欲降者惠紹曰我若得城諸卿皆是國人若不能克徒使諸卿失鄉里非朝廷弔民之意也今且安堵復業勿妄自辛苦

通鑑

韋元恢京兆杜陵人孝昌初值刺史元法僧據州外叛元恢招聚同志潛規克復事泄爲法僧所害時人傷悼之

魏書韋合宗傳

鹿念字永吉濟陰人官殿中侍御史監臨淮王彧軍時蕭綜據徐州密信通款衆疑之念遂請行曰若綜有誠心與之盟約如其詐也豈惜一人命也時徐州始陷邊方騷擾部將成景雋胡

宦績附錄

同治徐州府志卷第二十一下

五十

龍牙並總強兵內外嚴固念單馬間出徑趨彭城與景雋龍牙反覆辯難衆莫能屈未旬綜果降莊帝時東徐州城民呂文欣殺刺史元大賓南引賊衆屯柵曲術詔念與行臺樊子鵠討破之尋詔爲使持節東南道三徐行臺

魏書本傳

賈顯智持節征南將軍假衛將軍與行臺樊子鵠討呂文欣於東徐州平之加散騎常侍及爾朱仲遠爲徐州刺史顯智隸仲遠赴彭城仲遠舉兵向洛顯智不從擁部下出清水東招勒州民與相拒擊莊帝聞而善之除右光祿大夫武衛將軍鎮徐州

魏書賈

顯度傳

劉渴侯不知何許人性剛烈太和中爲徐州後軍以力死戰衆寡不敵遂被禽瞋目大罵終不降屈爲賊所殺高祖贈立忠將

軍平州刺史上庸侯賜絹千匹穀千斛有嚴季者亦爲軍校尉與渴同殿勢窮被執終不降屈後得逃還除立節將軍賜爵五等男

魏書節義本傳

李璨字世顯身長八尺五寸衣冠魁偉受學於梁祚天安初劉彧徐州刺史薛安都舉彭城降詔鎮南大將軍博陵公尉元鎮東將軍陽城公孔伯恭等率衆迎之顯祖復以璨參二府軍事軍達九里山安都率文武出迎元不加禮接安都還城使遂不至時劉彧將張永沈攸之等率衆先屯下磕元令璨與中書郎高閭入彭城說安都安都卽與俱載赴軍元等入城收管鑰其夜永攻南門不剋退還時永輜重在武原璨勸元乘永之失據攻永米船大破之斬首數千級時大雪寒永軍凍死者萬計於

官績附錄

同治徐州府志卷第二十一下

五十一

是遂定淮北加璨甯朔將軍與張讜對爲兗州刺史綏安初附以參定徐州之功賜爵始豐侯加建武將軍

魏書李靈傳

元法僧將謀爲逆張文伯領主書兼舍人奉使徐州法僧謂文伯我欲與卿去危就安能從我否文伯曰安能棄孝義而從叛逆也法僧將殺之文伯罵曰僕甯死見文陵松柏不能生作背國之虜法僧殺之

北史陽平王熙傳

崔亮字敬儒清河東武城人徐州刺史元昞撫御失和詔遣亮馳驛安撫亮至劾昞處以大辟勞賚綏慰百姓帖然

北史本傳

周羅暉字公布九江尋陽人陳宣帝時爲句容令從大都督吳明徹與齊師戰於江陽爲流矢中其左目齊師圍明徹於宿預諸軍相顧莫有鬪心羅暉躍馬突進莫不披靡太僕卿蕭摩訶

因而副之斬獲不可勝計進師徐州與周將梁士彥戰於彭城
摩訶臨陳墮馬羅睺進救拔摩訶於重圍之內勇冠三軍明徹
既敗羅睺全衆而歸拜鍾離太守

隋書本傳

李鄴字建侯揚州江都人徐州張建封卒兵亂囚監軍迫建封
子愔主軍務德宗以鄴剛敢拜宣慰使持節直入其軍大會士
衆喻以禍福出監軍獄中脫桎梏使復位衆不敢動愔卽上表
謝罪稱兵馬留後鄴曰非詔命安得輒稱之削去乃受既還稱
旨遷吏部郎中

唐書本傳

張奉國定徐州平李錡有功遷金吾將軍

唐書白居易傳

曲環陝州安邑人李納逼徐州環與劉元佐救之敗其衆功最

唐書

本傳

官績附錄

同治徐州府志卷第二十一下

五十二

董裔爲武甯軍節度劉贇判官漢臣迎贇指揮使張令超率步
兵宿衛行至宋州而郭崇威以騎兵至裔說贇急諭令超使以
兵劫崇威募士卒北走贇不能用是夕崇威盡奪贇部下兵裔

遇害

十國春秋湘陰公傳

郭忠恕乾祐中爲徐州推官周主命宰相馮道迎湘陰公贇將
立之忠恕從行至宋州知事變乃正色責道曰令公累朝大臣
誠信著於天下四方談士無賢不肖皆以爲長者今一旦返作
脫空漢前功業並棄令公之心安乎道無言對忠恕因勸湘陰
公殺道以奔河東公猶豫未決遂及禍忠恕竄迹久之

五代史補

解元字善長保安軍德清砦人建炎三年隸韓世忠麾下擢偏
將出下邳聞金兵大至士皆駭愕元領廿騎擒其生口知賊動

息俄逢數百騎身自陷陣橫刺酋長墜馬餘皆遁去六年從世忠出下邳以數百騎破敵伏兵十年畧地淮陽至劉令莊騎纔三百當敵數千

宋史本傳

元鄭德溫河間人從攻徐州冒及陷陣而死

宏簡錄鄭義傳

楊傑只哥寶坻人太宗元年師次徐州阻河不得濟傑只哥偵知有賊操舟伏草澤中夜率勁旅憑河擊之奪其舟衆畢渡獲河南諸郡降人三萬餘戶

宏簡錄本傳

元明善元仁宗時奉旨出賑山東河南饑時彭城下邳諸州連數十驛民饑馬斃而官無文書賑貸明善以鈔萬二千錠分給之曰擅命獲罪所不辭也

元史本傳

陳祐至元初南京路治中適東方大蝗徐邳尤甚責捕急祐部

官績附錄

同治徐州府志卷第二十一下

五十三

民丁萬人至其地謂左右曰捕蝗慮其傷稼也今蝗雖盛而穀已熟不如早令刈之庶民力省而有益或以事涉專擅不可祐曰救民獲罪亦所甘心卽諭之使散去兩州之民皆賴焉

元史本傳

遼魯曾至正時遷淮南宣慰使領軍事募丁五千人克復徐州

宏簡錄

本傳

李稷從丞相脫脫平徐州

宏簡錄本傳

也速蒙古人至正十二年河南賊芝麻李據徐州也速從太師脫脫南征徐州城堅不可猝拔脫脫用也速計以巨石爲砲晝夜攻之不息賊困莫能支也速又攻破其南關外城賊遂遁走以功除同知中政院事

元史本傳

嚴實泰安長清人時兵由武關出襄鄧實在徐邳間以爲河南

破屠戮必多乃載金繒往贖之且約束諸將毋敢妄有殺掠

元史

嚴實傳

嚴忠嗣從大帥按脫救蘄縣復徐州

元史嚴實附傳

丁鎡南陵人永樂中戶部主事出使徐州以便宜發倉賑饑全

活萬計

一統志

張達泰和人正統末工部主事督漕運呂梁適歲饑徐淮民相食達遽發倉賑之然後以聞活民甚衆

江西通志

李香字汝蘭分宜人正德辛未進士初授工部主事抽分徐州

值歲荒捐俸賑窮庶死徐人德之轉刑部至四川巡撫致仕

江見

西通志

國朝伊興額字松坪吉林人咸豐間捻逆大起以副都統幫辦

官績附錄

同治徐州府志卷第二十一下

五十四

軍事忠勇善戰為徐郡保障逆徒常私誓曰立心不忠逢伊公
遭命不造遇伊老其畏服如此既戰不利度不支奮曰吾不死
無以見滕公遂自刎滕公謂家勝也又有吉林開國久以參領
從軍戰死徐州州同銜平陽屯屯官唐守忠衛千總唐振海皆
山東鉅野人率練勇擊沛團捻賊被執不屈死游擊陳書廷奉
檄剿匪酋高龜歿於邳守備王元基剿山東游匪歿於豐皆贈
卹有差

代理徐州府學教授丁鎮瀛校

